

嶺

南

羣

雅

嶺南羣雅

番禺劉彬華藻林輯

張維屏

字子樹一字南山番禺人嘉慶甲子舉人著有聽松廬集

玉壘山房詩話南山幼稟庭訓學有根柢雅齒工吟長復

其詩激賞之與陽春譚康侯香山黃子實並稱爲粵東

體則伉爽高華意致則沈鬱頓挫句如奇愁歸碧海得句

徐馬頭明曉月人面凍春霜哀樂中年味關河獨客心天

全沈北顧山泰山霞氣天維呀易水風聲塞馬寒暮禽有

水澄天心依骨肉常多夢身急功名易損才肝膽只宜明

見松形奇古輒下拜近又聞其研究經史撰經訓謀心讀

感懷五首

錄一

涼颺歛夕烟素月光在林美人眷清夜開軒彈玉琴掩抑未終
曲徘徊攬憂襟眾耳習凡響此曲誰知音仰視孤鴻翔耿耿方
橫參牛女永相望河漢廣且深亦有同心人離居傷滯淫容輝
不可接悠悠千里心

塞下曲

萬里黃龍戍三秋白雁來弓鳴邊月墮帳卷陣雲開楊柳樓中
笛葡萄馬上盃長懷請纓志不上望鄉臺

俠客行

貴人赫赫權如山門前鷹犬十百一日不得閒一解高堂華屋大
酒肥肉粉白黛綠哀絲豪竹貴人不足二解貴人不足鷹犬僕僕
天陰鬼哭三解鬼哭聲啾啾怪樹啼鴉鷓客從何方來下馬直上
酒家樓四解寒風如刀雪如水酒家樓頭劍光起明日喧傳貴人

死解五

并州兒

生小并州住呼鷹出古原自言吾有母不敢受人恩

飛將曲

飛將下邊關呼聲動黑山單于已宵遁把酒看刀環

詠史七首錄一

兵符盜得解秦兵屠客偕行事竟成若使報恩徒刎頸世間容易覓侯嬴

大賈由來只患貧釣竒竟滅虎狼秦可憐六國多良將不及邯鄲一美人

晚霽池上

雨餘新水高花外夕陽麗幽人池上立涼碧洗殘醉萍開見人

影蹤刺游鱗避風蟬助淒吟雲雁引遙睇遠峯青黛孤初月白
眉細晚飯烹瓜壺秋衣剪荷芰漫營三徑資且作一竿計

紫藤曲二首

紫藤幕徑香雲裊花枝泣露金鈴小嬌魂不定蝴蝶愁玉枕微
均失春曉珠帷貼地蘭室深蠶眠細字絨來禽雲梯盤盤折鴻
翼鏡網破碎珊瑚沈阿母由來愛方朔碧桃花下流霞酌胡麻
未熟丹竈寒麻姑髻上霜華落

枯槎觸石銀河乾白鳳病渴青鸞翻何時懶龍吸海水絳津宛
轉通微瀾匏瓜欲墜罡風起雲駢斷送嬋娟子觀香小妹怯宵
寒玉樓十二秋如水脩蛾不展枕手眠夢墮舊時亭院邊暗塵
漠漠紫藤化作冷猿啼暮煙

登樓

西北有高樓樓前杜若洲美人如斷雁往事問牽牛璧月隨風
去銀雲學水流明河原不遠只在柳梢頭

仇英十八羅漢圖

一丸在手光能照鱗而蚘蟪來飛龍一坐磐石凝雙瞳一拱而
立夜叉侍頂上古鼎烟冥濛高者持珠據怪松下者昂首相
從老者拂塵眉青茸少者有若還珠童皤其腹者容體豐得大
解脫披心胸瘦者欲出羞龍鍾卻立山背扶孤筇咫尺颺颺驚
山風波羅敦圍毛鬚鬆袒右臂者顏酒紅寶手欲下膽氣雄離
立者一參以一指揮獅象如奴僮虬鬚者獨伸食指指上白氣
長如虹琉璃雲氣盤虛空一合掌拜方鞠躬上有石壁高龍嵒
下有澗水流淙淙或撲鉢坐清溪東或洗足向寒流中懸崖陡
絕見一老三心寂滅如癡聾一十八尊狀不同法門不二一筆

通披圖光怪驅塵蒙花雨欲落聞疎鐘

落葉三首 錄二

獨夜哀蟬唱寥天斷雁過忽驚山骨削漸覺月光多颯颯催征
騎蕭蕭隨逝波洞庭秋思濶不爲弔湘娥

老衲倦掃地幽人驚叩門有時兼雨點無處著烟痕短夢何曾
穩羈懷不可論支撐憑鐵幹生意在孤根

野鷹來

野鷹來林鶴哀骨肉狼籍紛蒼苔彎弓射鷹不可得樹高林密
烟霧黑鷹方得志鶴何辜鶴亦銜魚歸哺雛君不見雛啄蟲蟻
終被縛螳螂背後有黃雀

羊矢坑

羊矢坑邊豺虎窟鷺鷥捲樹日光沒樹頭老烏啼啞啞飛下草

間啄人骨烟火蕭條三五村富者移家貧閉門黃昏賊呼斬屍
入掠取財物搜雞豚閨中婦女色如土欲避倉皇無處所老姑
頓足兒抱頭氣結眼枯不得語賊怒縛人如縛鼠骨肉割絕廬
舍焚哭聲啾啾村外聞天陰路黑兒走失剪幡燒紙招兒魂兒
不歸來兒死矣豈知虜作他人子他人子賣富室貴賤不同兒
則一慎勿鞭笞與曠叱君不見親兒終日不離膝飯飽嬌啼索
梨栗

有感四首

白帝旌旗肅黃龍洞穴高斗壇宵縱火雪濕畫磨刀攘攘尋凶
器蚩蚩憫爾曹親朋阻兵甲江濶首頻搔

慷慨循州守

伊墨卿太守

飛書數請兵早將螳臂斷何至豹胎成小

醜能無懼元戎說好生繞朝謀不用蒼赤涕縱橫

四百奇峯裏雲梯路阻艱
鬼燐丹竈碧人血鐵橋斑
剗撫需良策瘡痍覓大還
靈符書竹葉未易伏豺獍
啞虎腥風外哀鴻毒霧邊
呼聲動猿鶴殺氣到神仙
兵貴前茅速山原左股遷
蓬萊飛海水亟爲洗戈鋌

甘泉宮瓦歌

甘泉山光壓清渭漢宮不改秦
宮地明庭一進方士言雲陽遂
有神仙氣棠梨鳩鵲相鮮新
當時櫛櫛排魚鱗昆明水洗淨
匹練咸陽泥擣飛輕塵胡桃油
香露華鏤圭角磨礮善雕削千
尋下蔭九華芝萬片高承五采
雀虹榭照耀通天臺竹宮夜半
神光來長生未央善頌禱茂陵
秋雨多荒苔揚雄賦與王褒頌
千秋文物同珍重漢庭已見單
于朝唐室還觀鐵勒貢摩羊盛
以古錦囊劫灰且莫悲阿房曹
家銅雀今何處一樣秋風瓦礫
場

秋懷

天高雲淨見秋容，搖落何關浩蕩胸。
晚徑日斜明橘柚，澄江水遠靜魚龍。
風烟萬里愁征客，寒暑三時閔老農。
慙愧腐儒謀食拙，杜門麤糲養疎慵。

莽莽荆襄厭甲兵，忍看魑魅困蒼生。
風呼陰峒蠻苗出，日照荒城妖鳥鳴。
娘子軍容誇左道，丈人師律重先聲。
讀書殺賊男兒事，莫讓終童獨請纓。

銀河西注洗妖氛，墮地欃槍夜半聞。
蜀道飛隄分轉饒，朔方驍騎勇從軍。
虎豹隊合屯江霧，蛇鳥旗開掃稜雲。
聞道賜糧歡萬姓，彤弓先已錫殊勲。

百二秦關古戰場，如毛羣盜敢披猖。
寶雞刷羽聲先震，銅馬驚心骨欲僵。
諸將果能遵廟算，三軍漸喜卸戎裝。
願消兵氣蘇

民氣早買耕牛學種桑

頻年瘴海樹戈鋌吹角鳴鉦潦霧邊風裏刀腥龍戶竄潮頭烟
黑虎門懸己看徵側爲窮寇誰道孫恩作水仙滾滾驚濤休恃
險將軍天上下樓船

辛苦人來蛟鱷叢江村守望百家同鼓擊聲亂春潮裏刀戟光
分夜火中所患是兵還似盜但求無罪忍論功羣黎頌禱渠魁
怖鬚髻蕭蕭老總戎

黃總戎標

鼉沫蛟涎浪作堆沙蟲猿鶴費驚猜鸞帆賊已乘風去犀甲軍
如捉月來小醜無知終惜命重臣有守亦需才陽和本是蒼穹
意一破頑陰要震雷

揚雄賦就漫吹嘘廿載侯門跡本踈祇合短衣看射虎豈宜長
缺嘆無魚中宵偶讀班超傳上略誰陳黃石書畢竟少游言可

念且騎歎段守鄉閭

秋夜懷徐丈薌圃

泠泠竹下泉疎疎花上星歌枕聽秋雨開門知夜晴解帶步前
除暗聞松桂馨徑濕啼露蛩衣輕墮風螢素交曠良覯欲往無
脩翎古愁積肺肝尺素何由明迴颺入羣木散作幽琴聲

大洲火

大洲火鹽膾燒海賊如虎羣咆哮鹽膾已據索錢贖無錢難贖
徒哀號巨艚堅固供賊用其餘一炬成枯焦三庚之際蒸炎熿
火雲四舉如山高猛然烟焰騰空霄祝融赫怒火勢驕直欲煮
海煎狂濤垂頭大魚泣瘦蛟海童河伯紛驚騷有如赤壁方賊
廬八十萬眾聲嘈嘈是時居人爭遁逃富者買舟得先濟窮民
走險藏山幻風停火止賊稍散但聞怪木啼鴟鴞伏波將軍在

何許願洗餘燼安吾土慎勿多言官長怒昨日出城聞劫渡

黃總戎行

萬口爭傳黃總戎廣東老將今黃忠總戎習水識水性夜半伏
水如螭龍賊船我我壓賈舶總戎出海賊已空羣賊畏之如天
神衆軍親之如家翁蒼顏獨立心忡忡將星墮地來悲風盡瘁
死當爲鬼雄殺賊要安河伯宮 國家優渥賞有功總戎任重
職亦崇纓冠翎翠珊瑚紅纓冠翎翠珊瑚紅嗚呼安得再見黃
總戎

滕王閣

高閣俯長川斜陽此泊船水天終古在詞賦幾人傳都督亦知
己江風原偶然我來成獨立鄉思落霞邊

由通遠驛抵東林

烟活山如笑風豪樹欲飛千林盤磴曲一徑入雲微曉夢親驢
背春寒戀客衣東林無慧老蓮社素心違

舟中望廬山作歌

我從廬山來衣裳尙有廬山之雲烟九江城外波連天桂席却
登江上船此時酒渴更思酒欲吸西江入吾口九派茫茫不可
迴五老雲中忽招手何時天河水飛下廬山頭白虹倒挂三百
丈跳珠濺玉千載無時休紫霄峰上科斗字云是夏禹治水泊
船之所留我思匡君兄弟七人結廬盡據此山勝其樂真足輕
王侯秦王漢武到此却復去更從何處尋丹邱卽如陶公謝公
大白及坡老不過往來登眺成勝遊香山草堂雖云樂一出已
爲琵琶愁古人如水流青山向空立層嵐吹盡江天高捧出芙
蓉千朵濕昨行廬山陰今見廬山陽香鑪雙劍遞隱現金樓銀

闕排空蒼或爲美人或鬼物或爲獅象蹲伏又或奮起同鸞皇
最高之峰有如老人中立色不動兒孫羅列拱揖奔走於其旁
我從廬山來又別廬山去山靈邀我乘鐵船導我飲甘露笑我
乃似彭蠡湖邊之飛鴈大風起兮不能住三石梁九屏風列真
苑園安能窮亘數百里青濛濛他時興發遠相訪定蹋赤鯨騎
白龍回頭笑語五老峰爲我先鐫長句丹崖東

小憇潛山旅店訪二喬故居弗得悵然題壁而去

周郎霸業歎飄零盃酒誰澆墓草青萬點落紅春又老東風何
處秀英亭

南沙河

亂雲依岫濕還低細草沿溪綠未齊人到壯年輕險阻天當曉
色轉淒迷荻蒲烟黑千家夢楊柳風涼匹馬嘶羣動又隨初日

出車聲鞭影滿沙隄

早發滕縣

驅車天未明古道半禾黍空林吹暗風老樹作人語

滹沱河

一派滹沱水征人立馬看帝王當草昧麥飯亦艱難風捲河聲壯天圍野色寬故鄉行更遠前路又桑乾

贈吳蘭雪字嵩梁

一卷香蘇冰雪詩藏園筆已讓君待金門索米功名急酒市論交邂逅奇花月歡場胸有淚江湖浪迹髡成絲冷官莫笑腰難折憶向梅花拜倒時蘭雪有滿身風雪拜梅花之句

七月朔恭甫夫子招同王伯申宮庶引之程春廬兵部

同文陳石士編修用光吳蘭雪博士查梅史孝廉揆

集高齋小飲醉後賦呈二百四十字

吾師儒林宗遠接鄭孔武盤根燦天葩鴻文邁燕許珥筆有餘
閒盍簪集倚侶入座皆賢豪忘形脫綦組芳馨襲芷蘭斑駁陳
樽俎發鮮鶯白龍窺豹陋甌鼠兵羅武庫胸樂奏鈞天所夫子
集雄談八殫隘逸興五嶽舉賤子生海濱茫昧習皆麻長安居
不易秋心墮烟渚提壺問竒字嘉會慰羈旅大邦匪齊晉附庸
忝邾莒敢云接螯弧頗願執干櫓海氛多蛟涎小醜尙蟻聚昨
者鄉人來近事爲醜縷獬豸爭磨牙鴻雁罹網罟亟望將帥良
先剿而後撫樓船掃鯨鯢紀律肅貔虎下以安黔黎上以報
聖主羣公雅頌材紀事編樂府詩歌播海隅和聲協銅鼓桑梓
憂未忘芻蕘策誰取登高望故鄉愁雲莽脩阻空腸得酒鳴竒
鬱快一吐

都門秋思

崑崙中脈遠崢嶸，翼翼山河拱。
帝京雙閣雲盤龍，虎氣九關風。
鴈鵝聲玉虹跨石飛，泉淨金爵騰空旭。
日明何事崆峒談道訣，至尊宵旰念蒼生。

天半清霜壓怒鷗，嵯峨樓觀倚丹霄。
白河雁去傳秋信，紫禁人歸賦早朝。
夢裏蓬蒿蝸舍遠，眼中塵土馬蹄驕。
思鄉懷古愁如海，轉覺名心似落潮。

百年六合一郵亭，多少飛蓬與斷萍。
南海月華今夜白，西山雲氣古時青。
逢人漫逞談天技，望遠思緇縮地經。
邱壑高深隨處有，世間難得少微星。

刀剪能傷獨客心，授衣時節怕登臨。
千林葉脫羣雅舞，五夜風來萬馬吟。
種地幾人收白璧，築臺從古重黃金。
哀絲豪竹朱門

襄秋老都成變徵音

十二月十九日坡公生日覃谿先生招同法時帆宮庶

法式善 宋芷濤 湘洪介亭 占銓 顧南雅 蕪三編脩吳

蘭雪博士集蘇齋題李委吹笛圖

大江不動羣山高磯頭主客方配酌笛聲飛起石欲裂何人江
上浮輕舸李生意態孰想像紫裘腰笛巾飄飄壽公一曲已不
俗乞公一詩良足豪鶴飛新製似有意夜半赤壁曾相遭疇昔
道士今進士無乃變幻來解嘲東坡鬢眉一可百何況羽客能
翔翔白鶴南遷早成讖春睡正美晨鐘敲阿婆姓氏亦烏有夢
中說夢原超超七百年來壽無量瓊樓玉宇公逍遙蘇齋學士
公弟子歲歲設祀陳芳醪烏雲天際望縹緲恍惚鶴駕乘雲輅
松屏石畫有真契畫中詩境思臨臯瓣香再拜何所獻下界筆

笛空嘈嘈

秦小峴少司寇招同法時旣宮庶吳蘭雪博士陶季壽

大令

章鴻

潘伯臨比部集寓齋拜淮海先生像

盛年胸次羅六韜黃樓作賦凌楚騷峨嵋仙人信知已謫宦海
南亦相似藤陰醉卧何怱怱萬緣一笑如水空功名富貴楚弓
耳黨籍姓名重青史公作酒星來處州耳孫慕像圭山頭公訪
辨才過龍井孫復建祠供清茗今晨遣像懸中堂一杯兼降冕
張黃却話秦郵艤舟處微雲澹抹山蒼蒼相逢酒畔多羈客思
鄉未易身如石盤飧風味憶淮南欲剪莖芽配鮮鯽

黃河舟次

已憐轅馬苦垂頭又被沙鷗笑倦遊青草歲華催兩鬢黃河風
雨滯孤舟夢回斷岸蘋花曙歸及空山桂樹秋海底珊瑚無恙

在釣竿吾欲拂東流

同人汎舟山塘遂遊虎邱歸途遇韓夢香秀才

繁絃急管催青春蘭舟桂櫂邀美人美人勸我碧螺瓊迴腸得
酒如車輪披衣登岸山風送生公去後禽哢石裂苔留虎氣
腥池荒水抱魚腸凍豪華事過轉蒼涼老佛無言塔影長真孃
歌舞吳王劍一樣徘徊問夕陽櫻桃香裏簫聲度故人訪我中
途遇商量痛飲何處宜要離塚畔梁鴻墓

曉望太湖作歌

瓊雲倒瀉玻璃天白鷺飛破包山煙誰能直跨洞庭春喚起老
龍耕玉田濛濛三萬六千頃紅鏡裏徧素波冷翩然七十二芙
蓉齊整鴟鬢照嬌影我家遠在南海頭臨風洗眼銷羈愁靈威
丈人拍手笑笑我廢書成浪遊吁嗟乎人生當學鴟夷子報國

功成樂忘死五湖浩蕩一扁舟載得美人泛烟水不然大呼道
人攜笛來鐵虬一吼青冥開便騎赤鯉蹋波去御風游戲金銀
臺

五月廿一日汎舟西湖

天光碧若湖湖光清似天衣裳忽異色我坐萬綠邊旣罷樹下
酌遂登湖上船船頭見我影酒醒涼娟娟柳深百蜩唱荷淨雙
鷺拳艣枝撥水柔磬響隨風圓高峯吐白雲縷縷如輕綿却瞻
黃妃塔界破南屏煙

湖心望孤山遇雨

雲容滃諸嶺雨氣瀰一湖迴風忽吹開窈窕孤山孤蓑裒緬邐
僊老鶴如可呼日斜樓觀明水際金碧鋪峯頭飛雨來窳籟交
笙竿灑然萬斛珠散入白玉壺開襟吸湖淥倦客筋骸蘇安得

招米顛潑墨爲作圖

謁文獻公祠

嶺海人文闢開元相業隆安危一言繫風度幾人同學道侔伊
呂論功邁璟崇詞華冠儕輩謬耿孤忠鑑古千秋重山巍七
寶雄立朝誠侃侃憂國早忡忡仗馬鳴方禁冰山倚未終先幾
知石勒內難弭江充渤海猶頒詔深宮遠伏戎胡雛羞襁褓吉
網酷羅罟狼子心原野楊花勢實江霓裳按宮徵金鼓震峭潼
目極荆州外魂驚蜀道中孤臣悲馬鬣萬乘墮蠶叢太息忠言
棄空傳祭典豐祠堂屹桑梓風雅振鴻濛後起嗟誰嗣先型溯
不窮笏囊徵故事羽扇緬深衷桂水鳴丹壑梅關蘊碧空嶄巖
通鳥道開鑿重神功異代宗支遠前賢譜系通祥光芝翁絕遺
址石玲瓏皎皎天中月冥冥海上鴻高吟曲江句松檜起長風

雨後江樓偶述

海氣驅寒上傲裘，雨鳩啼罷到晴鳩。
曉烟浸岸白浮樹，春水搖天青入樓。
醉後壯心思射虎，倦來行跡任呼牛。
耕田識字談何易，擬學元真刺釣舟。

嚴陵釣臺

有序

子陵先生高風峻節，輝山曜天。太白昭昭之歌文正，蒼蒼之嘆前賢。尙論實獲我心，後人持議輒喜新闢。或譏不仕，或疑披裘子。竊以爲過焉。山迎水送，扁舟再來。緬然興懷，率爾成詠。非謂增末壤於高山，聊欲激頽波于重淵云爾。

桐江江水流滔滔，釣臺壁立江天高。
灑然清氣被六合，後人賣菜徒嘵嘵。
文叔從來稱大度，娶妻早有姬姜慕。
富時物色君念

臣他日椒房新問故先生蕭然垂一竿身世俯仰雲水寬釣璜
豈慕周尙父遯野足配商甘盤畫眉聲急江風起坐擁羊裘山
色裏不從吳市學神仙肯向雲臺博青紫故人狂態左右瞋太
史入奏非無因若云一卧犯帝座後宮玉體多橫陳紛紛鄙夫
戀榮祿炙手權門頸先縮多少男兒七尺身不及先生一雙足
千秋帝友非偶然一代氣節能開先君不見將星熊能或墮地
客星終古寒芒懸

西湖六首 有序

辛未正月初十日同林月亭汪橋中金醴香汎舟西
湖叙佳辰之勝遊緬往古之陳迹拉雜成詠得詩六
章

四年兩度訪西湖湖上春光展畫圖雪後園林多玉樹水邊樓

閣總蓬壺亂雲濕處雙峯醉空翠飛時一塔孤深淺幾人全領
略我來洗眼問髯蘇

一舸衝寒盪曉烟澹粧西子更嬋娟居人長住真奇福過客能
遊亦勝緣但有漁樵都入畫卽論鷄犬易成仙老僧悟得無言
旨湖水空明山皓然

長虹兩道望縱橫祠宇比鄰喜合并敢問詩中稱弟子偶來湖
上拜先生修堤水利千秋頌爲政風流異地爭身現宰官心老
佛豈徒不朽是聲名

表忠片石尙嵯峨運到偏安奈若何江上龍飛新殿宇夢中人
索舊山河三千鐵弩精靈避十二金牌涕淚多成敗茫茫誰料
得海門東望卷滄波

泥馬歸來脫楚囚西湖山水足忘憂蹇驢背上英雄老蟋蟀聲

中敕勒秋鍋可銷金輕社稷券曾鑄鐵賜諸侯通仙一去梅花
冷看到冬青鶴亦愁

長城自壞恨蒼茫講武空傳女教場二聖車塵悲絕域六宮粉
黛愛戎裝臯亭兵入桃花笑天竺丹成葛井荒毅魄鳴夷猶血
食寒泉爭薦水仙王

雪後登望湖樓

一峯絮帽頰而修數峰濛濛如水流窈然一峰墮寒碧上有烟
氣青浮浮欲合全湖展清鏡一樓高據湖上頭琉璃不動冰鏡
淨湖光倒把天光收詩情得上驢背畫本續續添漁舟我曾
五月此盪槩千株風柳鳴蟬稠重來俯仰萬象肅歲月回首飛
光道天公偶然作玉戲似與遠客供清遊嗚呼白蘇不可作千
載精魄宜勾留可憐南宋支半壁君臣宴樂江山羞風烟斗覺

橫白鴈血淚直欲騰金牛興亡往事入冷眼蒼茫獨立生古愁
南屏鐘動四山響山僧勸我浮一甌瑤天玉地砭塵骨坐見老
佛凝雙眸蒲團可借暫一宿輪蹄去路良悠悠大千浩浩總如
寄此湖此客皆浮漚

旅懷雜感

嶺雲迴首渺天涯春到江南旅思賒帽影鞭絲游子路酒旗歌
板美人家輕陰門巷雙雙燕薄暝樓臺點點鴉十二碧闌簾盡
捲天桃無數倚風斜

風緒烟光綫可憐
扇袍欲卸試吳綿
雙柑釀暖聽鶯地
百草吹香射雉天
古剎客來談寶劍
芳郊人去拾金鈿
摩挲醉眼蘇臺
近土碧成花有鹿眠

短簿叢祠送曉鐘
虎邱孤塔插晴空
歡場跌宕烟波裏
梵宇參

差紫翠中驄馬有時行蹀躞鷓鴣無賴唱玲瓏五人墓上頻澆
酒花片飛來似血紅

破楚門空霸業銷春山猶作翠眉嬌生公法滅留頑石伍相魂
飛徙怒潮扇影衣香三里霧風廊水榭百枝簫扁舟載得吳宮
月直到揚州廿四橋

騎鶴何人自在行竹西亭畔綠楊城珠簾十里春風面畫舫三
更夜月情小杜鬢絲煙黯澹阿麼頭頸鏡分明迷樓簫管青樓
夢併作邗溝一夜聲

選舞徵歌樂未央牙旗玉帳氣飛揚春風燕子燈前影暮雨桃
花扇底香上將登壇悲擊楫重臣開府愛雕牆長淮闋盡興亡
事依舊滔滔送夕陽

老翁扶杖古城邊水患奔騰話去年草野自逢河伯怒 朝廷

屢發水衡錢，帆檣風利千艘渡。
番錮雲屯百丈堅，三策只今誰
賈讓。宣房籌畫正需賢。

六朝淘盡大江橫，夢裏輸贏幾戰爭。
武庫南來留將略，深源北
去有時名。烟中樓閣金山寺，天際帆檣鐵甕城。
又被輸蹄催上道，五更風送馱鈴聲。

九月廿一夜墨卿太守在過適黃香石同年朱越亭

文
溥在座談至二鼓

仙城夜靜扁魚鑰，秋氣蕭森動寒褥。
敝廬時有素心人，步履叩
門來不約。路人猶識舊使君，坐客願聞新著作。
笠屐重披嶺嶠雲，敦槃尙憶揚州郭。
郵筒曾寄尺素書，邀賦梅花款東閣。
水部風流公克嗣，仲蔚蓬蒿我如昨。
未能沉默類木雞，詎敢昂藏慕
野鶴。久別相逢看鬢鬚，佳節登高健腰脚。
聞公近嗜先賢書，酒

掃靈臺事濂洛才華收歛返篤實此意洵足藥浮薄千紅萬紫
雖悅目不樹五穀何以獲世途自昔歎險巇道味出來耐咀嚼
愆尤易蹈多陷阱嗜慾難填等谿壑素交但最崇令德不朽何
嘗藉高爵柴門相送霜月斜兀坐空堂數宵柝

九月九日賓谷方伯招同顧劍峯胡香海江石生周伯

恬李紹仔周笑生王香谷越秀山登高

夜聞花塔風鈴語明日重陽不風雨曉來萬里無纖雲倒挽澄
江洗天宇峩峩南城公有似古歐陽山水之間得真樂春秋佳
日可以對客傾壺觴我時幅巾伏閭里公來挈我翠微裏坐我
越岡之側楚庭之巔吹我以五仙觀上之靈風滌我以鮑姑井
中之甘泉酌我以鷺黃鴨綠之美酒示我以瑤繩金檢之奇篇
使我沉憂得釋煩痾得蠲左把稚川袖右拍安期肩飛觥脫帽

銀海眩斗覺南溟雲氣浮樽前五羊城中十萬戶下視漠漠蒼
蒼然有人山下一矯首望見酒龍詩虎皆神仙不知今日海內
名山百千億幾人高會羅羣賢朝臺安在哉歌舞亦消歇王宏
願解事長房莫饒舌茱萸之囊繫臂求長生何似菊花之酒長
不竭百壺欲盡醉兀兀風馬雲車去飄忽山頭客散山不孤一
片飛來漢時月

賓谷先生見梅花有詩見懷次韻奉答

昨夢與孤鶴入山尋白雲曉來見南雪春信報東君茅屋澹相
賞妙香空裏聞題襟襟上月容易感離羣

宋三大忠祠

太興雖東江可渡紹興雖南湖可住吁嗟一后提兩孤航海更
無容足處堂堂宋室三大忠死有先後同鞠躬兩河百郡等灰

不獨在羣雅
卷之四
十一
燼所不滅者惟臣衷慈元殿上垂簾日執笏請官猶壁立攫天
龍黑失滄溟墮地星紅飛霹靂匡門屹立環驚濤行宮三十安
能牢狀元宰相世亦有夢炎屈膝宜中逃海陵山旁海舟覆忠
魂毅魄相追逐翻惜三閭徒自沈未得隨君入魚腹一餓八日
生八燕從容柴市原關天文山未死宋猶在獨身尙可支三年
君不見竒石嶄巖十二字至今埋沒誰能記海潮嗚咽精靈來
似有人提竹如意

述夢一首呈南城先生並東劍峯石生

勞人東西南北身素衣去歲漸車塵萬里歸來四壁立一榻枯
坐東城根城根北風中夜喧木葉有似江潮奔夜長伏枕百轉
轉不覺我體隨風騫空山雲氣相吐吞夢與白雲爲一團團團
飛入萬峯裏化爲香雪千枝繁白天綿綿月漉漉詩魂欲冷花

能溫佳人半垂翠袖影老鶴一啄青苔痕覺來紙帳四圍水誰
打竹屋三更門開門風勁星爛爛忽憶曠野停雙輪羊城萬戶
閉魚鱗但有蝴蝶羣翩翩眾生如烟稍一歛十丈又挂扶桑暎
南城先生與不淺昨夢或見西谿雲江南詩老笑相視雲端拍
手空中問

連州列秀亭有先魏公題名碑癸酉春大人主講南軒
書院訪得此碑於榛莽中因移置亭內爲文記之寄
示拓本命維屏賦詩

鎮江忽有張樞密變色金人宵遁急嶺南忽來張魏公朝廷不
復思兩宮長星天怒不可測奸相主和方柄國擊楫難消祖述
悲投荒翻類昌黎謫一亭列秀環諸山周覽風物時躋攀懷親
却憶斧鉞語敢以遷徙摧心顏有子趨庭著萊服弱齡蚤著希

顏錄九疑望斷碧雲垂八詠題成蒼蘚綠六百餘年碑碣荒
十七世宗譜詳裔孫來觀敬拂拭烟榛露草迴光芒千里鱣堂
書一紙兩字平安色先喜開函鬱律走蛟螭墨氣如兼土花紫
移碑勒記高亭邊韶連相望聯星躔家聲文獻還忠獻百世雲
仍共勉旃

嶺南羣雅

番禺劉彬華藻林輯

李士楨

字廣成一字東田番禺人嘉慶辛酉拔貢生著有青梅巢

詩鈔

王壺山房詩話東田少時黎二樵卽稱爲畏友朱文正公嘗以國士期之其鏤刻肝腎不肯作一庸語自序其集云三十年來開笑口之日無幾得聞測合毫伸蹟踰壁而高哦甚恐作詩真種子墜落所志固不几也吳岑華題詞云蒼鷹眼毒鐵虎神雄力掃門面獨闢靈叢亦足以狀其詩境矣

北郊雜詩

高視有空濶大野受雲影我行認樛散石氣冒幽嶺方塘漫圓
波風細柳陰靜可惜無特舟聽鶯拾藻荇翠綠眷斜日黃綠間
青岡失路落宿奔陡轉藤梢永山外復有山獨造得新警古木

風逢人犬豕銜珠境微聞仙梵音蕭蕭葛衫冷

感興二首

讀書苦晝短懷人悲夜長陳星排簷端風亂燈燭光
錫壁思瞑目柱座影在旁問影影無語友生水中央
豪雄二三子健筆堆繡囊密記嫋嬛字麗正供媚香
鬱爲華國器骨重登廟廊瑟彼柞棫材奉彼峩峩璋
山川未虎變散在雲雨鄉徃徃馳書札兼胎化金方
與珠控珠海雁足新有霜白日射烏洲墻勢銜赤岡
蕭蕭北亭路雞栖下牛羊若有一個人種樹花滿堂
久別難會面思之不能忘願言駕檜楫侵曉溯漁莊

谷風習陰雨薄寒慘中人其上有孤竹青青美其筠
相知誓百年白首共結鄰胡爲化短蜮含沙若爲矚
堂中酒肉具飲食才逡巡反眼厚予毒按劍圖厥新
亮無三物詛從子于要津魚在

在彼筍三星難及晨思深不可言夢寐尙見君

淑女何窈窕十年貞不字舜華爲令顏蛾眉特殊異瓊瑤倚脩
竹天衣逗寒翠東鄰有醜女窺牆詫出類餽問源源來巧言日
三至但欲求一面殷勤諂狐媚禮義鎮自防冶容潛引避中林
有樸樾感悅毋攸遂行露真善淫謠詠遭不意明珠漏蟻壤白
璧側蠅趨衆犬能吠聲羣狙僅謀利高曲和彌寡美才必招忌
寄語嬋娟子深藏侍同志

上巳日題

紫桐陰薄惠風微幽室如煙午夢非逝欲江頭踏青去縱無人
在已花飛

空堂坐雨

濕雲寒重壓簷平雨滿空堂蕙葉驚世事如棋千道劫憂心似

酒百分醒挑燈自認嶽寄影讀史常聞歎咤聲歲晚不留燒燕
脯龍宮天水注三更

山澤

山澤真容我貌癯薄寒板屋念居諸殘書繼晷觀袁豹野史編
年學董狐近海月生龍已睡落梅風定鳥相呼此時却伏紅鸞
火富貴家常濁酒壺

冬日感懷書事卻寄黎二樵明經簡一首

凜凜年華暮蕭蕭感慨長百蠻仍艾綠一歲又橙黃大野餘幽
草空山幾夕陽阿儂時病酒行處暫堅霜天意憐終食人間見
此堂鵲巢遮片瓦蛛網落空房邑宰豬肝擾身同燕頤強聲名
眞畫餅世路僅詩囊勉逐貧賦苞苴急就章瑋瑩頰屬耳金
線代縫裳底事成淒聞多因嘿感傷梅侵古井水菊坐瘦藜牀

看劍風生膈溫經月滿廊雄心蟠颯爽精力厲飛揚紙亡三
篋比鄰饋十漿憂疑尋夢鹿狷急視鞭羊萬事驚蛇足孤懷懣
象王唾壺嗟少壯秉燭換韶光往往攻文選時時誦國殤仗檀
河畔寘折柳團圓狂汲汲日中昃勞勞夜未央飯牛行拂亂對
鶴立軒昂客去眼終白悲來鬢免蒼鳴珂訕猿猱攬轡下鸞皇
以此遭形吠爲馮悔齒剛太和涵醞釀習氣滅鋒芒雀角穿何
遽龍旂見曷妨所閑惟禮義彌獨愛芬芳慧業爭千古高情志
四方出遊逢蟻贅豐樂咒鴉娘漫乞侏儒米真觀傀儡場嬰鳴
求有合貨殖賈無良伊蔚恩奚報乾餼德豈忘布袍居鬱鬱宗
廟器琅琅場異特應起鋪眉笑自量曹劉分筆札江漢接舟航
子時欲遊湖北茲意原非偶他人恐未詳飢蚊猶待雨俾馬欲騰驥割
肉葭灰變窺園雪氣涼北門初卜宅西海未浮梁永念仙涌平

渡遙知佛滯鄉藥煙迷十地盡雨潤三唐竹里推詩伯蘭亭踞
墨皇掉頭思去臘揮手各分張久別音稀達多傳病欠康買蔭
知不死橫槩尙難當鼎蘚食其角溪藤滑似肪流聞蓋代手歎
咤賸迴腸祭嶽紫髯敵臨江白石郎竭來同拜母下走欲循牆
好句雙抽繭清談一瓣香南雲欽雁帛心跡在周行

雜詩三首

飄風寒北林烏鳥多悲心心悲赤肉聚父死不可尋飛飛過相
山無母送哀音反哺猶未遂草木黃漸深且且鳴鳴嗚夜夜天
沉沉孤兒獨彷徨低頭拜驚禽鷄豚不及養去日繁霜侵吁嗟
復吁嗟孝子吾所欽

原上有脊令哀哀求其曹友生共安樂酒肉相爲勞一旦或死
喪兄弟同其傷乃如今之人不念三荆黃三荆黃可悲兄弟不

可離兄弟苟可離三荆黃何爲

君子胎福兆事事防未然何以防未然貴智復貴權莫恩於父
母袖蜂不爲憐莫親於師弟甌煤不爲賢一疑萬愛絕道在慎
瓜田

雜感

丈夫喙三尺。兼有三尺躬。面白如滿月。吐氣如長虹。落落千秋
間。年華日在東。鉛刀試經濟。羞彼佼佼傭。鳳皇一以咄。天下凡
鳥空。亮節明秋霜。高義薄昊穹。讀書慕管樂。抱膝安困窮。履水
陰馴至。流觀節物中。燈青坐山房。側帽聞松風。

月上海一角團圓光。大紅漸出北斗旁。白氣填太空。荒雞二更
起。有客立明水。徘徊中庭中。嫦娥念天咫。斧削久淪謫。丹桂創
未已。坐寒金書盟。玉篴鎖黃子。阿環期不降。官擾絳河裏。曾夢

遊蓬山雪滿青鸞翅
雲九十尺此夜墮
萬里彩蟾忽射燭風
生鐵如意

白日急短景草木颯以黃
南雪灑玉塵晚鞠榮金相
碧天寫朱雁蜚蜚字成行
流年瞥自惜滿面西風涼
美人隔山榛音響遙清湘
慈菰有根蒂江水未浮梁
珮璫何瑁瑁青龍井日光
錦段裁爲服紅綾熨爲裳
鸞珠四五顆貫耳雙明璫
欲以遺所思嗟爾媒無良
月出喝難止銀蟾落東廂
地白露騰文寒燈炯煙霜
假寐坐愁嘆沉吟摧中腸

向夕風獵獵明霞砌山隅
崑崙一角天海樹搖三珠
中有羽人宅鷄犬盡圖搗
去占壽民樊圃猶狂夫
歧望赤松子不見空脚躡
浮雲蓋福地草屋八九區
願似東方朔大隱金門趨
綠毛苟被體莫如文采都
神仙藥總悞尸解胡爲乎
寓目發新謠豈

其必方壺

追輓施畹香少公

永基一首

官冷儋州喪此人羊城膚瘦勸防身瓦燈公館魂難復誰舉空
衣一襯貧

諸郎依我授經來邊瘴遺孤事可哀慘絕閭門風雨夜白頭阿
母夢兒回

綠蘭塘

水碧沙明處青山露一層亂楓圍馬棧孤艇曬魚管問渡去何
急買田歸未能遙知林際寺聞煞白雲僧

三河壩

三河流不盡沙外一重關紫竹居奇客紅鹽設險官雞鳴煙火
聚龍戲雨雲乾旱甚懷芻牧扁舟行路難

六月五日制府朱石君尚書惠鮮荔枝命作七言古詩

用昌黎游青龍寺韻

鶉墟氣應林鍾管浮李沉瓜計非短
仵來剝啄忽傳呼三百離
枝壓筐滿海仙殊絕著絳羅炎帝方張迴
繡傘丹罽珍踰火鼠
皮頰虬瑞並赤烏卯拜登嘉貺十齋加釘座
紅雲吹不斷東頭
竹篠思已渴悵望曹梅潤隼早磊落光堆瑪瑙盤
晶瑩膚潔車
渠盃賦成子壽揚其實識識君謨語何誕
玉桃金母慚豔冶銀
杏銅陵陋誇纂我生辛作嶺南人
鳳爪龍牙僅堪算安得持錢
入興化珊瑚七尺裁為伴
尚書齋戒陰陽交黃芽秀出河車
斡承頒異物莫名寶命獻新詩
忍言懶誠知瑰瑋難形似
况屬文章本踈散
翠然高望一品堂
曾過猗園路平坦狀元漫聘十八
娘白傅貽圖見尤罕
豈無監蜜亦奚施
縱有撈蒲勿予款
菡萏

盈塘地甚寒石榴照檻天還煖
搖毫刻畫色香味敢擬庖丁導
大綵趣付長鬚呈節府厚紙封題惡湍緩

荔枝歌

炎方嘉樹何鬱葱靡靡綠穗雲煙充根蟠大澤陋卑濕發揚震
德精昭融南漢灣頭日當午日輪炙手燒大紅華蓋歲蕤動星
象煌煌火實攢高空雞冠鮮澁滴猩血明珠計斗鮫魚宮凡口
難銷熊華競葡萄龍眼奴僕中有客論園道簞簞數典絕肖稽
合工山水枝分各墜地黃葉黑葉將母同提亭寶氣媿姬甚側
生撒錦光熊熊宋香陳紫遠莫致摘來三百珊瑚叢玳筵初張
受綺纈琉璃椀設饒仙風馬鈴褪玉鳳釵拔心姿體泰攀長虹
靈飛叩齒咽神液吐瓊天鹿腴且豐惟味皆知易牙嗜甘滋醇
淑多奇功瑀盤焦核恒狼籍朱顏可駐方兩瞳我懷斯美願圖

繪旖旎了髻如鴛鴦佳人無譽豈傾國士未效用慚雕蟲目迷
五色衆娥詠 廟堂孰與羞王公珍果安能詘知已曲江作賦
洵文雄

春暮憶黎二樵山人

西荒金闕明月珠二樵得之名譽殊碧翁詔許勸詩國左右修
竹端琴壺吉祥止止室生白山光入骨凍且腴情塵爲岳蕩紅
雨鳳皇覽德鳴提扶窮追宇宙出怪物但觀剝蕉皆可娛門前
海水流日夜役使漁女交苾芻夢魂安穩道緣重九鼎不復遷
三巫傳仙傳死任人世班衣奉母騎春駒煙霞痼疾本非病蚤
知大藥饒方湖佛蓮二樵子嬌小好頭肉聞已解畫依團蒲王侯
南面遜此福矧有歌板兼茶爐年來遠游久缺而靡獲機權詢
芸夫此歸遣信猶未達太陽照眼懷軒儲澗谷辛夸尙含藥逝

當命駕尋瑟居

紅橋景物竝人幽居當暮倚戶而吟遂得人句

秋風瑟瑟晚涼初野月荒荒射古渠榕子打街螢照鶴草根團
水鼠窺魚西聞戰伐翻華蓋北覲寒芒運斗車前有臥龍人不
識但栽桑樹對茅廬

雨用杜工部韻

莽莽山谷雨千峰養溪霧南鷗春背葉雷聲穴枯樹風翦枳殼
花一點漁艇露晝理誰爲椽小邑極幽趣近欲覓酒徒斫椽便
作屨泥濘不可行沉沉柳中路嶄然青兕角失羣歛回顧塘魚
大隊生水黑城影度客囊復何有二月隔妻孥清明節已破百
草未卽故神龍激英姿西郊謝雩訴馮陵皂幕頂黃鵠也錯迕
萬愁裝腑肝東溟浪難步地縱非洞庭延望牧羊過若人紅抹

額見之若平素詩格怒弗鏗滂沱感朝暮

臘月二十三日生朝賦

降生幸男兒長大無一可每當母難晨思親淚恒隨角巾習文
章甫冠遭窮餓七踏鱷谿路礮碌炙在輶丙辰自遠歸江寒雨
連舸季弟同水窓蚤起肅拜我於時抵長樂沽酒山縣駭市僻
猶尙肥紅脂冷堪剝飯後製轉句信宿趁漁火丁巳始有妻戊
午試復左去年掇優餼織錦換花朵今年舉北英行名大翠襟
映犀果流光催鬢髮歲事紛碎瓊落地憶三聲好醜命夙坐諺
云落地泣三聲好醜命生成操勞二十載人海幾擺簸茲焉抱呱呱跪向嚴
慈座內子潔齋供不敢臘粉浣蒼然瞻昊天罔極恩空荷杯槃
豈稱慶聊謝姻婭賀八夜陳孝經雜誦警偷惰

行客

行客公不息荒村飛老雅曉寒惟有霧晉過欲無花戰血沈黃
土車聲走白沙已除脂夜怪即次在天涯

雄關

荒岡設險多赤幟捲明駝日色沈高柳風聲壯大河戰場誰痛
哭歧路古哀歌可有封侯相乾坤杖策過

朝考不第慨然思返遂書撥悶

春色巴陵賦遠游大江歸計入深秋得時我豈爲溫飽失路誰
堪生怨尤猿臂昔曾訶醉尉龍門今已負荊州還家若定安身
策請傲漁樵出一頭

豐城

綠樹隱豐城滄江帶岸明羣黿渡日色一雁送秋聲舟楫何多
事風烟已半生防身有寶劍時向斗牛鳴

新淦縣

白浪擁城邊城齊樹杪烟牛羊雜樵徑雞犬上漁船地樸黎民
古刑寬長吏賢遙聞惠州亂野酌向江天

於良灘涉險至良口得月而泊

水急石如叉篙師困浪花山圍萬竈出橋截衆流誨估舶帶紅
樹神燈光白沙一宵良口月清夢落漁家

惶恐灘

東坡初入贛萬象增惕息膽落惶恐灘懷歸喜歡駟日月多奇
險水風少順適榻來訊長年屬意求古蹟荅言吁可怪故道今
異昔上生無數沙下揜有名石穹崖鏃作地壯潦卷爲陌僅留
一丈谿時送孤舟客同儕起相慶走也轉不憚羈孤癖謳吟邈
迨造突兀剛腸嫉鄉愿巨浪撼絕壁向會渡三瀧衆裏拔一戟

愁櫻蒼帝怒思共鬼神格嗟彼庸熟輩慣盈淒涼色高詠文山
詩壯我魂與魄

王香谷上舍

行步

攜吳岑華上舍

慈鶴

詩詞見過用杜

工部白水董翁高齋韻以報

客帶白雨來跳盪無不適時還挾清風一出掃焔赫頽然闖我
帷破我久寥聞雄談拔鯨牙海水騰半壁手敲玻璃聲珊瑚碎
幾尺心印曇繡老觀察一吼龍天寂知否飲上池洗眼費竹瀝

有作十數篇擲地聲金石惱彼東野囚骯髒日枯激自畫綠雲

正硬與昌黎射宵分吐鳳凰精采彌大宅岑華實駉蛩兩美合
仲伯生平獨愛好怪怪性所癖多君示錦囊雕績快一覲坐使
五色迷着朱頰成碧渾身具神通又恐須彌坼麟獅獅子超爛
漫愁脈脈詎門飛頭者森森舞干戚下聆蜩蟬沸奚翅仙凡隔

終當蹠虛空擺箴火輪亦欲倩五臺賓琅琅誦銅鑄惆悵步難
追敢敢束筍積誓欲保封疆敢料孫臏敵尤慙左思醜那得共
視席倘肯辱下交相視咲莫逆百歲爭令名摩挲劇銅狄攀附
兩妙年英英瑜與策香懷催豔卉含苞鎮弗釋被酒歌且謠落
爪殊火迫草罷星斗高蒼茫感今昔

大庾嶺用杜少陵劍門韻

惟粵有北門石勢險且壯兩崖踞天步鐵補儼西向已殘漢時
梅老樹各異狀崎嶇阻中原絕徼得依傍堂堂曲江公悉索寶
山藏我行挂角寺風日颯悲愴所歷無坦途膽怯不可放冒雨
慎青鞵足滑身歛喪神籠五嶽外蕭然一邱王撤土倘增高嵩
華俯相讓縱饒六丁手未擬鑿古嶂行行即南安思家令心悵

午日登黃鵠山

夏月宿私氣風揜瑠璃屏幾不似午日芳樹籠寒麤衣冠相煖
熱窮艾爲人形菖蒲與蘭牙辟惡兼延齡角黍象包裹綠督陰
陽經客子感節物飲食慚居停須臾黑雲破隙光微上扇紛紛
石榴花亂打紅蜻蜓蕉竹媚幽鳥夢短酒易醒無緣看競渡漢
水揚孤舫且登黃鵠山咫尺尋郊垌百草變鷓鴣嵐霧猶冥冥
小立桃樹底壞木支野亭喚起陳將軍偽漢陳友諒葬此山鬼火晝似螢
佳時發慨慷錮疾今已寧家鄉兩兒子佩綵嬉前庭逆旅遠寂
寞尙喜歌原鶴絕頂望高樓危檣面沙江市聲與鴉鵲擾擾同
一聽奪標本楚俗水中但浮萍滌霖踊米價拯屈煩湘靈請以
告我師回天在祥刑

桃花園晚興

飽食無所適銀鹿頗解事導我桃花園紅日尙未墜亭亭倩女

影中有傾城淚三生傍人柳奪春病難遂短命殉游蜂葉葉相
衣翠官樹八九本紫荆獨殊異田家驗榮枯臨風感芳意咫尺
闊攜手蛇山望千季林塘綠瀟灑籬角帶幽寺蛙鳴辨公私聽
斷乏高位閔閔十畝間桔槔水如縋種菜古英雄江夏弔劉備
獨往問老圃頭白數弓地野色一憑欄孤亭暮烟至

嶺南羣雅

番禺劉彬華藻林輯

譚敬昭

字子晉一字康侯陽春人嘉慶丁卯舉人著有聽雲樓詩草

玉壺山房詩話載余於黎二熊高齋壁上見康侯詩相與歎爲異才迨乙丑九日馮魚山先生招同越秀山登高名流咸集乃識康侯舉止雍容吐屬溫雅蓋深於詩者也魚山亟稱其樂府一體獨出冠時近者黃蒼崖出示其集風格清超飄飄有凌雲之氣觀其論詩諸作高麗羣言瓣香當不在青蓮以下

放生羊擬長慶新樂府

清晨入古寺蘭若開靈囿兩角彎環白羊瘦金字雙牌懸耳後
中間年月已漫滅尙識姓名書某某我聞某公在日勢莫倫富
擬王侯谷量畜金張公子相弟兄五陵俠少爭奔走椎牛擊鼓

會淑賓滿堂紅蠟光如畫鸞絃綠竹雜笙歌駝羹酪乳餘羶臭
萬羊鼎鑊一羊生便祝主人千歲壽送來古寺十萬緡寺僧頂
指頤隱肩佛前跪拜令君壽楞伽多羅聲沸天寧知親戚骨肉
間寒無衣與襦飢無糜與飪君不見古時上畱田牛羊日夕空
寒煙

秦鏡詞

龜龍虎雀未銷磨收取長江萬頃波照見關中天子氣風雲無
限漢山河

迷樓曲

解道真仙也自迷高樓上壓五雲低可憐博得雷塘土依舊空
梁落燕泥

秋晚

白鴉啼野水黃葉斷江村山月如相識穿林自到門

定情謠

春情柔如絲宛轉隨所思無有窮已時解一願將千萬絲纏上雲

錦機新樣花連枝裁君身上衣解二裁君身上衣自得長相依與

君一身爲一心輾轉左右隨君施解三西海東河有盡期定情如

山不可移解四

驪珠行

昔年有狂客謂我南溟徑寸之珠胎吞星吐月天爲開上與雲
漢同昭回皎如冰霜朗如鏡照見海上神山山上之樓臺海神
昨夜度東海蛟鯨卷尾隨雲雷驪龍抱珠不敢獻滉漾獨宿銀
濤堆龍門之山何崔嵬鱸魴再上傷鱗鯉暗投恐遭魚目笑按
劍而顧胡爲來君不見荆山之璞未剖足已刖下和韞玉重銜

徊祥金隴冶昔所恥千尋古柏難爲材驪珠未采君莫哀

銅柱

飛將下天來橫戈瘴霧開南交見銅柱東漢失雲臺
聚革平生志攀鱗不世才如何傷慧苴千載使人哀

將軍行

轅門映日畫旗飄鼓吹風高入遠霄燕頤三秋開豹畧龍媒一
道響鸞鑣毬場射雉寒雲落幕府椎牛巨燭銷忽聽籌邊樓上
令征西弓箭各環腰

戲效西涯樂府四首 錄三

張良椎

子房非仕漢終始爲韓耳云漢帝者師乃韓報恩子漢爲力士
諸侯爲椎天風雷霆強秦崩摧報韓之志自茲畢從赤松子歸

平來

承露盤

承露盤干青天相傳漢帝求神仙茂陵松柏生蒼煙莽新曹魏
時更代武皇不死當年在眼見牽車入魏廷慮共銅仙並垂淚
生爲周文王死爲魏武帝墓猶曹征西死日安得閉銅臺歌舞
天門開不望西陵望禪臺

銅雀臺

春草

尋春春渺茫隨爾至何方一碧自千里四山多夕陽離亭侵馬
足古道斷人腸處處生愁思天涯夢亦長

豔詩二首

羅幃生塵不自持金環縮臂未相知蠶絲分炷燒香曲鸞鏡安

臺拜月詞百念千嬌春可惜南樓北斗夜何其空懷世生生
願得是朝朝暮暮時

北里迴風舞媚娘西簾抱日笑癡郎流蘇帳隱人三五安墮鬢
低態萬方夢入蘼蕪翻蛺蝶香生羅薦熱鴛鴦張星天上時相
見壁月枝頭夜正長

孤兒行

甲寅秋府君捐館廣州己未十月嫡母李孺人見棄
嬛嬛無依摧肝傷骨作孤兒行惟以述哀

孤兒哀孤兒哀哀血下心摧孤兒不願世間願隨父母歸黃泉
解一孤兒初生時父母我兒兒未知兒啼兒苦兒歡笑父母知未
解二飢啖兒未寒衣兒父母我兒兒生四五年父母教兒書傳百
十篇十歲文章辭賦十二弟子員父母爲兒結車秣馬交名賢

兒出門前意氣一何翩翩解三二十骨節昂昂隨父宦遊四方歲

晏一來歸置酒北堂兒言著采錦婦言上壽觴大鸞行炙肥豬

羊解四奉母隨父官角角龍子幡船昂尾軒軒旗吹繁喧喧鬱鬱登

公門颯風摧南山歛欽連天父客不還孤兒野哭元雲端涕泗下漉漉

山行水涉心崩氣怯兒奉母迎父歸墓間嗟嗟哀酸解六孤兒無依

寒冰生葛衣奉母晨飧無菽麥貧無田里嗟何食思兒父在乘

車策駟安可得解七三年暗無聲一鳴千人驚母鳳將鸞雛願兒

羽翼成羽翼成高飛朝玉京解八颼霜流離山木枯淒兒啼向天

天不知兒昔無父有母憐之母死兒何生為解九孤兒不願世間

願隨父母歸黃泉黃泉無路孤兒生獨苦黃泉無路哀哀孤兒

生獨苦解十

升天行三首

升重霄躡奔月仰手奉白榆繁星落如雪鶴背風泠泠電光瞥
過芙蓉城銀河凌空走西海耳畔但覺波濤聲瑤池桃花蕊宮
樹恍惚曾經舊遊處千齡一瞬能幾時汗漫人世多狂辭天人
窈窕顧我笑碧雲一去歸何遲歸來歸來兮雲中君兮知未知
蓬萊之山滄海邊斷壑聳背高連天山中瑤草如春煙龍鸞並
駕相後先騰輕颺載玉女咳唾雲端作飛雨朝與子遊陽之阿
夕與子遊瑤之圃神鳥顧兔西復東金支貝闕光玲瓏精誠耿
耿仙靈通般裔裔兮紛衣同袖毫命我銘新宮鯨噓電掃聲摩
空雕蟲瑣細不敢動一百二十鳳凰鼓翼鳴離離章成仰面向
西笑人間百日生東風

我從東方蒼茫雲海之間來上徘徊天路中徘徊青童手持白鸞
尾夜掃紫霧閭門開玉階丹朶趨雲雷二十八宿環三台七襄

文錦摩天裁凌雲獻賦揮袖回司命憐我貧處我金銀臺被我
丹鳳裴傾我流霞杯南洲俯瞰不見底但見一片飛紅埃升天
行何壯哉古來何世無仙才

秋日寄懷黎二樵三首

珠江潮長暮禽呼水宿閒鷗樹匝鳥想見素馨田畔月照人飛
夢度仙湖

蒼峯迴合碧連環蘆葦蕭梢一水間八幅寒林供畫本家家團
扇買秋山

二樵五百四芙蓉茅屋秋雲第幾重我亦蓬萊斥仙子何時同
上上三峯

河亭夜歸

不知江畔月先我到亭邊宿鷺方驚棹垂楊又繫船竹風低夜

火草露歇春煙一路吟詩去歸家人未眠

初秋夕

舊雨散餘霞新涼透碧紗
風秋驚落葉月午靜臨花
死轉前溪曲淒迷幾樹鴉
晚芙蓉空鏡影誰與照容華

短歌行

百年可憐酒酣仰天白日出入星稀月圓
解一高風淒淒忽焉自

西崇臺飛樓上與雲齊
解二幽幽鳴絲情多音悲
臨風相思君當

知之解三攜手遨遊一日千秋不願升天
駮駕龍虬解四纍纍荒墳

何無達人豐肌勞骨同爲灰塵
解五喧呼歌謠霰下雲飄往古遙

遙暮暮朝朝解六

洗夫人歌

夫人高涼世族封譙國
諡誠敬刺史馮寶之配以武

功保障嶺南與梁陳隋三代相終始事詳隋史列女傳

梁陳島夷偏安分

北史謂南朝爲島夷

楊隋二世同亡秦中原置君奕棋

若○况南粵隸南海濱○羅州刺史馮使君○高涼天配賢夫人○天生

智勇萬人敵○處子劍術男兒身○誠敬兩字貫日月○終始三代扶

鴻鈞○搖撞儋耳雜千峒○指揮不異牛羊羣○錦山再整陣雲爛○銅

柱一洗蠻烟昏○惟時不少反側子○日李歐陽王趙陳○

李遷仕歐陽乾王仲

宣趙訥陳佛智

眼中英雄陳高祖

識陳高祖於廣州都督時

嗟爾豎子何紛紛○雕戈

所指自驚潰○播弄股掌清妖氛○大開幕府置官屬○昨以茅土酬

崇勲○而翁而夫而子孫○以夫人功朱丹輪○石龍大郡轉譙國○襁

褓小侯封陽春

子侯九歲拜陽春郡守

賜湯沐邑千五百○椒宮驛致分殊

珍○列布中庭示來世○以忠義訓爲人臣○楚南嶺西贛水北○奄數

千里連齒脣○纛旗銅鼓張繡幟○想象麾下趨雷雲○木蘭不用尙

書郎一十二載徒從軍。銘功鐘鼎著竹帛。夫人盛烈古未聞。後來惟有吳越王。錢氏忠孝追後塵。其餘巾幗加冠巾。么麼南漢奚足云。明初保障推何真。封東莞伯亦復婢子羞效顰。嗟哉夫人誰與倫。嗟哉夫人無與倫。

聽鳥鳴

朝雨灑空城。園禽百種鳴。不須論巧拙。一一是春聲。

寄西峯草堂李季子

秋氣入天輕。空山落照明。白雲低樹影。黃葉絕人聲。之子事巖隱。幽居無世情。松花墮潭水。流不到江城。

唐昭陵石馬圖

自具風雲質。同歸龍鳳姿。氣猶吞頡利。跡已軼權奇。駿骨功臣並。雄心故主知。摩挲一片石。還憶魏徵碑。

九日望羅浮一首示王生

駿業

生自博羅來學時博羅聞賊制府
移節惠州羣盜竄入羅浮諸山

啞虎銅龍守洞天蓬萊官闕足神仙飛雲上界知何處
唳鶴秋風一愴然聞道斗壇移使節忽驚丹竈起烽烟
談兵漫作登高賦對酒長歌寶劍篇

中秋庭宴

閒門絕車馬隔院聞笙簫長煙斂城隅暖空橫碧綃
秋光愛佳節彌年當一宵况逢躡雨榭天宇方昭昭
坐待月吐雲恍如日浴潮冉冉降中庭溥露迴清飈
由來名教地樂事良非遙介雅祝升恒甘旨供和調
奉觴進北堂酒果盈簞瓢圓輝闕八百太平見三朝
老母以雍正壬子
生今年七十二矣窶貧得壽康淡泊爲已饒年來富
詩篇束筍充牛腰持杯自起舞高詠瓊瑤絳霞侍我側
香霧

生雲翹剪燭和我聲羅袂從風飄嬌女學微吟趨步歌且謠緣
階拾香草伴作沉檀燒穉子指雲端眼光連九霄仰手掇明月
意遠神亦超驥子倚母慈哀師學爺驕含飴足承歡黃髮將垂
髻樂飢人事稀清福天惠徼徘徊撫庭柯金波綠翠條緬思松
柏性肯作桐柳彫幽蘭本無言叢桂誰爲招奏我和平音天籟
廣蕭韶

三月二十二日遊通真巖

有序

嘉慶九年甲子春三月二十一日歸白石岡逾青山
過黃泥之坂至石龍灣遂宿焉故人蔣生主東道客
舟春夜縱言邱壑蔣生乃述銅石之勝所謂劉仙棲
息地也始從舊聞豁如創獲廷望靈泉耿耿不寐殘
夜披衣凌晨振策乃以二十二日駕言崇朝舍津而

塗五里芳郊縹有春態風禽送音春蟬競響

出入林麓早聞

春蟬凄凄聒聒天籟爽發石泉灑流蓋未至名山先爲

聒杳如夏絲神往焉穿林涉波仰見峭壁攝衣拾級梯雲而上洞

門豁闕循磴右旋可數十步天光幽闕石氣青蒼大

石倚壁側立緣徑若綫雲根一割無始無終相傳自

千仞壁下墜者豈伊天工驅策神力以爲茲巖蘊靈

寶耶石下嶽熾一片蒼玉盤陀具體則劉仙唱歌石

也滑膩如拭摩挲卷然遂偕友生作團圍坐對面壁

隙潤徑三尺乳懸可捫承以露梧輪郭淨飾縝密溫

潤天然自嵌如鑄如生匪甄匪陶而乳水微注宛若

壺漏涓滴不盈振古如斯則劉仙水鍾也

石水鍾容半合正圓

潤滑色如宣堯大如茶甌外微缺一痕天然嵌石水

冷徹骨夏不溢冬不竭旱潦不改而底無隙旁不瀉

具化正而無端聞尙有劉仙績麻籃在峯頂人迹不

至末由致之想當然耳左右巖室不深蓮座隱見西

構房廊當窗外視衆緣如染其上多石燕依崖而巢

聲若蝙蝠搏身齊翼亦異凡族遺翎飛潛翩翩紛繪

凝睇緣崖深造幽遠旁多暗室元妙靡悉上多宋明

以來題名架棧爲廊廊前摩崖則周濂溪遊碣在焉

碣右二尺許得宋熙寧時許彥先記始知巖以通真

名由來舊矣而志乘失載徒使碧澗銅陵嘉名不彰

謂之何哉志稱銅石以陽春舊銅陵縣得名後訛爾石傳聞異矣今遊始得宋碑左行書云

轉運副使許彥先熙寧丁巳孟夏再遊陽春通真巖

夫陽春名巖百數惟茲巖獨有仙趣其稱名當矣而

願儒編書耳目也尺竟爾失載惜哉又上爲劉仙巖通觀音巖巖廊倚

空下眺春碧江峯雲林歷歷送目遠帆出沒擘指天

際而近見平疇濠梁交暎運掌可數也百尺懸崖倒
垂仙藤翠蕤盈尺同條雙葉弄影迴風望不可卽聞
之故老蓋雙葉連莖冬春不彫不增不減造物者奇
耶仙靈者戲耶草木者無情耶無情而有情耶吾不
得而知也吾所知者亦謹爲故老言之劉仙不產於

陽春仙經所稱白石山女仙劉三妹者是

白石山在粵西爲三

十六洞天

之二十一是爲西粵貴縣人以善歌化粵俗猺人至

今祀之以爲歌仙唐景龍間嘗與朗寧白鶴書生張
偉望歌而善同聲同心遂締仙侶亦靈仙而有情者
也暫遊萬里少別千年靈蹤步虛亦集爰止安知不
爲陽春高歌倡和雲表况茲巖幽靜靈通朗秀呼吸
陰陽吐納元牝則於仙居宜信劉仙棲息地也而遙

遙古今屬和無聞遂使仙心寥寂嗟然傷之其在于
今果棲息此否時往來否或樂此而忘故都否或未
免有情亦未能遣此來自東而眷西顧否或不忘故
歡攜手翱翔升雲曲房悠悠將將遊戲無端千春萬
秋靈飛無閒否其情狀又不可得而知也惟故老幸
教之惟我友生共識之又聞此中人語云每歲花朝
爲仙生日覽揆之初與百花共命惟時歌舞降神雨
陽響應仙乎神乎其有道者乎仙之果樂於斯而歌
於斯乎天問神契縹緲窈冥未寫予心將爲迎送神
絃曲授諸髻髻歌以娛神蜚騰天聲病未能也以俟
異日聊爲是詩以寄欣慕凡千一百言良以仙山匪
今而未覲佳作爲長言之猶恐不足靈之來兮願誠

憐之先達解玉佩以要之

我懷還山吟征雲去相逐隨風度青山遂過黃灣宿越人褰翠
被爲指前峯麓雲月蕩清暉遊仙夢方熟侵晨天氣佳川光日
華燭相將乘雲車靈景弄春旭林禽多天聲野水迴風殺萋萋
采薜蕪茫茫醉醺醺銅陵忽當前崖煙没人足雲芝紛紛翻石
華靄攢簇青霄垂蔚藍仰見瓊臺矗信步穿明嵐空香撲巾服
冉冉躋雲端旋旋入山腹山陰下飛石斜倚壓坤軸想當驅甲
丁月斧摩天刷千仞落無垠張弓彈輕鏃一綫補天光低頭不
敢觸歌臺慶陰陰盤陀水蒼玉咫尺乍陰陽斯須變寒燠龍口
開呀呀鵬翼展翩翩右脇一滴泉中藏三萬斛懸流不盈尺華
池不盈剎天工製銅壺神漿貯益益元化閱千齡氛氳自膏沐
石燕構雲房將雛繁羽族雙棲爲鴛鴦餘聲亂蝙蝠羽化同飛

仙靈泉飲其福仰之令人羨行翻希高躅未得凌風翔苦受塵
寰束渺渺懷靈脩翩翩振薰浴高高劉仙巖角角蟠虬轟乳酒
墜天花沿崖霏霖霖古磴流金瓊層臺抱瑛珠景龍香千春飛
梭火輪速白鶴來何遲佳期綵雲續班班車駉鸞悠悠軒駕鹿
離合紛戲游閃映東西條一聞陽春歌始覺韓娥俗和以瑤華
音吹出湘妃竹清商被人天遺響誰能屬仙骨爲仙才絕世佳
人獨海粵一浮漚張劉雨黃鵠鴻爪印南州兔顧眷西陸輕軀
雲翔翔垂髻花菽菽由來冰雪肌不受塵波黷衣香裁朝霞眉
痕歛春綠江天何蒼茫飛入橫波目鵝鵝爲髮扇蛩蛩踐茵褥
芙蓉合歡帳匝匝文漪蹙流蘇撒珍珠華燈綴金粟青鱸吐金
光蒲萄烟熠煜仙袂分餘馨幽廳散輕馥髟髟聆步虛蘭氣吹
芬郁石室含幽清山邱作華屋河閣三重階芝房青玉局高標

籠穹廡元樞運輸輻玉繩轉鈴屨金柅止輻輳倒景掛飛樓抽
帆鎖連舳揮鞭移蓬壺鑿棧駕巴蜀元豹隱隱藏潛蛟深深伏
陰壑蘊靈墟琅籤押緘楨括囊錦爛斑旁通儼弓韞鏡機玉瓏
玲斜睨霜箭簾始知萬物毋守雌孕苞育元黃鬱萌芽扶輿各
鍾毓羅帶裊孤煙雙葉靈根夙共命結同心經冬翠光沃徑寸
俯巖松下聽驚風謬誅蕩天關開平曠豁遐矚雲峯擲連環收
羅入粧籠羅襦化綵蝶翾翾度溪淥五雲縵芳洲五香濯蘭溷
雜英閒紅桐竿翠垂青復漱芳注承露嚼藥行辟穀還丹七五
一洞天三十六一息自周還百越久亭薜名都幾低徊人間日
催促磔骨等蜉蝣頑仙但僮僕命儔集諸天衆媿交曼睵佩纓
結蕭秦連襪挹媧處儀態隨萬方盈盈信貞淑葆真揚高華和
神接清穆靈蹤忽差池予懷空杼柚瓊枝絕攀緣瑤草猶鮮縹

亭亭魂自清炯炯心轉肅列坐叅金仙殊塗同寶籙綺語問靈
飛真形披畫幅摩崖壁蒼潤別薜花瑟縮旁求許彥先近接周
茂叔嘉名錫通真殘碑補遺錄點寧丁巳夏捫搜左行讀陋儒
語詹詹著書亦碌碌摘星遺羲娥撥藻采原菽一笑心眼空何
勞語諄復聊縱逍遙遊超然寄濠濮搗來升天行那作窮途哭
黃庭通外內青詞相往復夷猶愴忘歸凌霞送孤鶯臨高臺以
軒永謝紅塵辱緬思靈之來花朝賽巫祝四照花始始曾披月
漉漉春江花月夜迎神送神曲傳書竹葉符薄薦桃花粥援琴
歌歎欽披袞舞速禿衆籟酣笙簫希聲合鼗祝嘈嘈譜神絃幽
幽雜絲肉靈真爲領頤大巫作嘉告升雲半有無娛神託稽卜
雲去水增波雲歸山有木碧雲殊未來白雲滿空谷

清夜遊

人倚寥天入夜清行吟自得一身輕霜橫遠岫煙無迹風掃寒塘月有聲搔首年光空冉冉拂衣雲氣尚英英逍遙遊寄神仙骨咫尺依然白玉京

百花冢

明季女校書張喬葬處即小梅坳也嘉慶辛酉陳仲卿游焉修焉馮孟翁有記焉張墨池圖焉而

屬康侯歌焉

媧皇補天天無迹五朶雲光散花石張星垂手度天河靜婉環腰低一尺天花一片葬東風嶺雲蜀魄啼飛紅羅襦舞蝶迴春空旋波抱月幽夢中靈香絲絲月漉漉又見新紅點蛾綠煙絲草色碧於天窈窕春姿斷痕續梅花照水寒無聲生天但願天有情鸞箋角角題香名

四月十三夕黃香石過談白雲山之遊

席間聽香石白雲口記僕以耳

遊用呈一律

把酒對明月聽君歌白雲君身有仙骨自是雲中君勝具由天
授壯遊如我聞坐令虛白室空翠落紛紛

寄溫二莊亭

承恭時客西川軍府

蜀道青天上大江東向流夢魂曾識路詩思又驚秋懷袖三年
札籌邊百尺樓迢迢河漢月相望寫離憂

九日遊粵秀山遇吳雁山黃香石梁柱臣馮子坦子遠
諸子出北郊登西得勝山寺既夕馮魚山先生招同

劉樸石先生集讌粵秀院作詩並呈

連宵風雨秋陰積破曉雲光蕩空碧越王臺北珠江南面面蒼
山寫秋色看山一上玉山行飛目青天跨龍脊魚鱗萬尾貼雲
根樓堞叅差鸞鳳翼諸峯面目遙相望一一蓮花青可摘煙鬢
鬢鬢眉狼藉誰是雲中藐姑射雲山離合紛眼前可惜流光迅

駒隙相逢重作升天行歸路爭先飛鳥翮青雲一片來嘉招瀛

洲學士神仙客二三子亦煙霞人兩先生况文章伯龍山雅集

盛衣冠小子疎狂容岸曠孟嘉落帽休嘲嗤符融幅巾縱談劇

是日衣冠之會
余以巾服與焉

桂月稜稜上東壁死委秋光入瑤席百年知度

幾重陽千里追陪共今夕霜花未黃霜蟹紅對酒狂歌豪亦得

興酣吐氣亘長虹醉墨行當草飛檄書生談兵萬人敵海水羣

飛待鵬擊揚帆直使狂瀾清簪筆還書太平績

時游冠棧掠當
道方議剿捕故

談兵及之題糕採菊總陳言朝漢呼鸞亦陳迹更從何處仰高山對

面龍門百千尺

聞雁

久客倦登樓無因寄遠愁一聲寒夜雁秋盡始驚秋

論詩

按圖無天馬善陣非神兵所以古真人飄然凌紫清被髮騎騏驎赤手縛長鯨超超萬象旁無形役羣形迴風一長嘯絕迹飛天聲世人欲從之雲煙渺冥冥惜哉蓋地圖不見白玉京黃河三千年疆域移分星天地方圓規巧歷無定程元氣茲渾淪上下相合并巨手摩鴻濛文章得天成蒼蒼覺空濶一一歸研精日月蕩天門容隙俱光晶望之杳難卽取之隨已盈團團捫渾儀瑣瑣窺山經人間竭人力不作升天行仙才謫塵寰猶以謝鮑驚悠悠我所思十二樓五城

緬懷工倕初亦以規矩耳及夫人巧極天工乃尺咫元精貫當心萬物在我指人誰可傳言我自長不死有如山水音自然中宮徵使其按節歌陽阿亦巴里可憐列子肘仰見伯昏趾至人不射射揮斥盡弓矢機動任吾天道存進乎技苟非神明存敢

以成器豈可眩製飛車寧復眠塵軌離婁公輸般要是人間子

二十三日攜家自河頭過山口令

船尾春山漸漸青馬頭春雨白星星山山黃葉兼新綠引我移
家上畫屏

望廬山

遠近山光一望收松梢飛瀑隔靈湫屏風九疊春前雪去作潯
陽九派流

遊峽山四首 錄一

淙碧軒

撲面風沙萬里還飛泉爲我洗塵顏塵中自覺山中好爭奈山
泉又出山

長沙客感 開平地

涼月碧雲何處樓倚樓長笛怨清秋陌頭楊柳垂垂盡不是天涯客亦愁

秋夜

竟夕如人語風聲在柳條寒蟲留屋角野燒入山腰小院秋將老長吟酒未消坐着殘夜月低度隔溪橋

雲泉山館雜詩二十首 錄十二

薌澗

泠泠幽澗泉冉冉天風御但聞蒲花香欲采不知處

松臺

偶來松臺上下憇松臺麓時見種松人方瞳秀眉綠

環碧樓

天成白玉樓環以碧玉環叢碧在春樹遠碧在春山

南雅齋

威鳳鳴南風卷阿矢羣雅客有歌陽春莫言和者寡

清湍修竹軒

觴詠自蘭亭雲泉自蒲澗當年求和人興懷本無間

注經窩

在軒側香石注
易南山注詩處

此是注經處莫認繡經臺老生不言易且待匡鼎來

枕流閣

漱石而枕流片語偶然錯名士尙清談聊此束高閣

綠陰坊

綠雲滿空谷雲陰鳥相逐中有抱琴人風清睡方熟

江景亭

飛崖一角
遠望珠江

在山不見山何能見山外飛目度三天重江自襟帶

橫藤墩

晴空雲霧交出沒龍蛇影醉卧古藤陰風花忽吹醒

坐月坡

小坐一彈指待此萬古月坐看雲山雲散作蛾眉雪

埋憂冢

冢在松竹壟上香石銘曰森森烟水巖巖雲山人生于憂戚埋其間蓋反放翁人間寧有意云

地埋憂意云

明月照南枝掇之苦不早采采黃金花在山顏色好

去歲十一月蒼厓招集雲泉山館飲梅花下醉歌贈行

今夏書來并詩見寄作此奉答

白雲山出雲紛紛羣仙高會雲中君羅浮道士梅花夢夢中化作雲山雲曲曲雲林自幽絕山館梅花已堪折朗吟秋水響清泉古調陽春歌白雪白雲呼酒送將歸雪花亂撲梅花飛海水

天風揮彩筆酒痕墨汁餘征衣驪駒班班一回首新知惟君於

我厚黃石相從自著書

謂香石

洪厓相望時招手蓬山大澤迴雲

車瑤華寄我雲中書元壇芝草日應長張侯辟穀今何如

來書云南

山近病小瘥

驪珠二百一十六

謂來詩

一一瀟漓奪人目山雲飛盡清

光來海月畱將仙客讀前身自是詠花人花下當歌句有神白雲明月共清發碧鯨翠羽相鮮新江城玉笛梅花落海上青山天一角好待秋風起白雲重來更逐南飛鶴

長沙行

嘉慶己巳夏五海寇掠開平長沙梁巨源妻余氏及其季女蘭避寇於和寧里陂塘上賊至死之節府百官保請於朝立祠旌表譚子爲作長沙行

崑岡炎炎玉石焚星海下墜連城珍雌龍抱珠歸圖滄靈光耿

耿無纖塵平生自保千金身殺身舍生志則伸惟昔忠烈子所
聞顏公碑下忠貞墳史策歷溯迴三辰霆雷赫赫當晴旻凝碧
池頭何逶巡六等定罪誰復論死生大矣智或昏鬚眉尚難况
笄裙日歲己巳夏五旬潢池弄兵騷海濱黃頭跋扈從黃巾蘇
蘇索索于其鄰長沙一角當妖氛寇掠商旅驅居民長鎗巨礮
氣益振驅掠婦女如驅豚大叫驚雁奔驚麕乃見雙鶴千雛羣
在陰鳴和依其親慷慨義以從容申有梁氏余女蘭蓀跬步未
識踰闔門倉卒避寇和寧邨見危矢志圖亡存揮稚子去從父
奔賊至死耳無他言飛鷺山邊野火燔秧坎塘上波粼粼罵賊
不辱投幽瀆如雙龍劍歸龍津賊驚顧去相信信行路見者心
煩冤引出復入不受援女從其母死不分哀哉玉沉傷蘭熏一
朝雨雪迴朝瞰海天蕩蕩來將軍殺欽鴉鼓收鯨鯢羣飛海水

戢巨鱗賢侯上府府上陳表厥宅里光麟麟揭雙華表當郊闕
賁以東帛將黃銀令家人招雙貞魂高墳如山青嶙峋埋香黃
土相依因母女貞烈名實循萬衆歎息人無喧上徹 天聽垂
恩綸 天書龍鳳飄五雲坊祠末建茲不泯春享秋祀崇苾芬
生者可慰死者欣爲貞婦女爲明神義重於死斯成仁生當殺
賊爲忠臣一洗兵馬清乾坤伊昔列女今所云前木蘭後洗夫
人道州女沈石砮秦各各保障高殊勲固奇女子光遺文不然
一死存貞純大書志節標青珉玉沉有光蘭有薰閱千百禩常
如新如此貞烈誰與倫噫呼嗟嗟誰與倫

嶺南羣雅

番禺劉彬華藻林輯

趙均

字平垣順德人嘉慶戊辰副榜著有自鳴軒吟草

半山亭

亭在鼎湖顏曰小憩

登峰猶未極小憩敞危亭石咽飛泉冷巖攢古木青九盤通竹院千仞削雲屏趺坐塵緣寂鐘聲入杳冥

小西湖竹枝詞四首

錄二

湖上青山山上亭常時臨水照娉婷黃塘寺裏曉鐘出吹過蘇堤剛夢醒

朝雲終古可人憐度嶺南隨玉局仙畢竟愛才真是俠亭邊
透六如禪

天門山

大江流滾滾蓄勢擊天門一線濤聲壯雙螺黛色渾風高豚拜
浪烟起柳圍村爲愛青蓮句藤蘿帶月捫

嶺南羣雅

番禺劉彬華藻林輯

徐震

字東篋一字雷峯增城人諸生議叙縣丞著有燕石集

王世山房詩話東篋磊落不羣嘗上下古今著臆說余友陳雲門數稱之游電白見履樓海市歸同人作觀海圖爲壽工詩余尤喜其送鄭生遠戍有句云玉關期爾能生人多悉吾衰再會難蓋深於情者

清遠峽中

葉落兩崖空孤帆渡江去山靜水不流猿聲渺何處

聞蟬

百響快高爽是聲清可憐露零黃葉渡秋老夕陽天遠樹淡無際幽人閒未眠何因怨岑寂多半爲吟牽

舟中聞鴈

數聲天際來旅夢忽驚絕四望悄無人澹澹蘆花月

秋夜

明月滿空庭殘燈夢初醒起看金井欄瘦盡梧桐影

寄麥賓舉病中

文園憔悴已經年望斷歸鴻益惘然疎懶音書多病後蕭瑟華
髮晚風前淡同籬菊方爲友瘦到梅花始是仙無限秋懷寄秋
水碧雲紅蓼夕陽天

聞歌

前身應是王長史每聽清歌喚奈何夜半香銷檀板歇一簾微
雨落花多

重遊鼎湖山

塵囂謝來往邱壑洽情素安邑住三年矜峽計七度舟行望靈

區目眩神已驚文酒欣得朋筇屐快重赴絲邈疇曩心彷彿夢
中路飛瀑戀竒石疎林散朝霧蟬咽四山寒葉盡一峯露鐘鳴
靜始聆路轉屢回顧蹇足頗知危塵念尙如故老僧爲談元前
身豁然悟卧予白雲裏酣夢不驚佈雙耳淨衆流寸心割沈痼
解脫慙未能大笑問歸渡仰首層嵯巔秋風在高樹

凌貞女歌

嶺表賁隅有凌氏古雪爲心照江水未笄許字屈家兒不及結
褊夫已死女髮垂垂母前侍母曰絲蘿可他議曷會歸作杞梁
妻何須獨守共姜義女聞斯語心酸辛婉轉慘切爲母陳以身
許人貴從一詎以見面論婚姻矧夫尙有高堂母奉侍無人須
藉婦承歡要慰九原魂矢死願結千年耦願母無復爲兒懷驅
車出門心不回登堂慟哭向姑訴婦代兒職母相猜曉作羹湯

夜機織垢面蓬頭深自匿春花秋月黯無情美景良辰漫相憶
一度韶光一度悲鏡痕紅暈映青絲杜鵑枝冷還啼血燕子巢
虛待哺兒萱萎堂空惟飲泣風勁霜欺寧少屈海填無石井無
波五十年來如一日嗚呼未嫁從夫寧有幾大義凜然誰與比
吁嗟乎盡儂心兮惜儂恥人不知儂儂自矢儂心只知有如此
古今忠義幾人傳何況區區弱女子我本相江一寒士自守十
年如不字乍聽黃鵠慘錐心每見桓妻暗垂淚何能秉筆揚貞
堅表章幸有周侯賢獨標苦節耀彤管不教翠栢淪荒烟慙慙
爲謝神明宰闡發幽潛動山海天荒地老無窮期貞女芳名播
千載

題吳退菴孝廉旅懷獨酌圖二首

錄一

客路天涯易白頭天涯涕淚幾時收銜杯我亦傷懷抱冀北湘

南汗漫遊

題何雲巢聽松書屋圖

廿年風雪共飄零
一枕秋濤午夜驚
輪爾歸來高臥好
萬松聲裡讀書聲

嶺南羣雅

番禺劉彬華藻林輯

孟佐舜

字華墀番禺人歲貢生著有獨樂園詩草

玉壺山房詩話華墀與余同受知平寬夫先生補邑弟子員謝澧浦一見傾倒作吾愛孟夫子十律贈之竊歲詩才勢妍抽秘既乃斷雕爲樸直寫性情其論詩絕句云靡麗開六朝誰能裁爲體竊欲宗三百羣言盡除洗此語雖未易幾然亦可知其所尚

觀海吟用謝眺遊赤壁石進帆海韻

欲豁萬頃眸遊興勃不歇白日惜駒過閑情等鷗沒揚波謝海
童探芳擷石髮瀛壖送春歸蒲席越晨發但得快乘風何須醉
掬月縹緲凌蓬壺襟帶攬甌越燃犀燭鮫宮撥雲泝天闕浮沉
閱蒼茫軋沕荒忽爽然河伯言望洋願無伐

和陶五首 錄二

今日天氣佳，攜琴林間彈。林鳥飛且鳴，無意迎人歡。恰與素絃應，怡然破愁顏。卽此是知音，曲終意未殫。

貧居依稼穡，耕硯南城隈。菽水供飲啜，歡愜雙親懷。親年逾古稀，偕老琴瑟諧。偶懷陸績橘，常烹茅容鷄。介眉佐樽酒，斑舞三五迴。祈耇洵云樂，及耄寧忘哀。春深裘未脫，日高寢遲開。二人年復年，日益衰且頹。有子芸書田，就養事事乖。反哺不如烏，中夜違安棲。

寄賞園八詠集選句爲龍山温安波賦

規行無曠迹，高步超常倫。守一不足矜，聊可瑩心神。卜室依北阜，連榻設華茵。徙倚引芳柯，竹柏得其真。勇退不敢進，望廬思其人。退一步齋。

抱影守空廬處順故無累窮藹瀟湘空閑房來清氣峭舊青葱
間眇眇以適意密竹使徑迷清商應秋至且從性所翫人生各
有志

瀟碧山房

綠池汎淡淡懣樹面曲汎平生協幽期瑩情無餘滓涼颺自遠
集潛波渙鱗起林薄杳葱菁餘霞散成綺想見山阿人清機發
妙理

綠天池館

高閣常晝掩列樹敷丹榮虛恬竊所好心跡猶未并聊恣山泉
賞密林含餘清問君何能爾慮澹物自輕矧復值林宴寒蟬在
樹鳴

雙清閣

涼風撒蒸暑雨息雲猶積明月耀清輝期在三五夕廣庭發暉
素蘭徑少行迹佳人殊未來濁酒聊自適寥寥空宇中囂塵自
茲隔

可中亭

廬園當棲巖涵景望芳菲嘯傲東軒下青柳何依依芙蓉始發
華含英揚光輝長烟引輕素清雲引炎暉朋來當染翰文雅縱
橫飛

柳絲軒

騰步躡飛塵臺館無尺椽佇眄要遐景空水相澄鮮朝雲不歸
山積翠亦葱芊青松挺秀嶠綠篠媚清漣暇日聊遊豫還得靜
者便

澄觀臺

胡蝶飛南園側徑旣窈窕盈盈一水間津梁誰能了春晚綠野
秀可以狎鷗鳥安得攜手俱攀條摘蕙草行行重行行極目盡
所討

秀野橋

早發白馬

旅夢驚侵曉荒營盡四更

粵俗水路營汛更鼓不發五更

寺鐘敲月落村犬吠

船行霧重江無岸風寒水有聲客愁真滿載一葉莫言輕

三月十二日自靈山啟行歸途有賦

悲莫悲離別況當三月天青山皆岵岵碧草正綿芊溪水綠於
染野花紅欲燃羊牛下坡去日暮促歸鞭

王香令南旋贈別二首

錄一

春愁正難遣知己又言歸行李多書篋勞心見素衣
香令聞重
詠歸葬
遊期杳杳臨別意依依風便煩存問天涯盼雁飛

銷夏八詠

錄六

酷吏愁難去故人期不來霎時飛雨過空際送秋回涼意生湘
簟濃陰駐碧槐轉憐今夜月須待暮雲開
喜雨

待月月初上光清暑亦寒樹疎螢影黯夜靜葛衣單不是素娥
好誰能青眼看每因輪破缺爲爾淚闌干
玩月

槐夏日初午蕩塘風正幽自當杭一葦來此住三秋靜傾水雲

起閉銷齷齪愁漁歌催返棹花下有棲鷗

艾荷

小鼎茶歌後疎簾風過時休談三尺劍宜對一枰棋賭墅興何
逸爛柯嫌太遲誰能忘勝負觀者坐支頤

觀奕

何處堪逃暑松根枕石眠涼宜苦作薦夢與蝶爲緣未得飛蓬
嶠還當卧葛天澆書復攤飯不負日如年

枕石

臨流何所羨濯足有餘清洞口流花氣巖腰漱玉聲一灣寒可
掬萬慮滌皆瑩歸咏滄浪句風舍細葛輕

濯泉

哭胡玉山四首

天問茫茫嘿不磨窮通修短信無憑被創休恨含沙蜮折翼堪
憐運海鵬夢幻驚殘塵世劫文章歸赴玉樓徵排雲間豈煩相
叩鬱勃何年氣上騰

魂魄歸來枉斷腸春暉未報草先黃孔懷有弟求原隰終養無

人藝稻梁任昉舊游多尚義崔羣遺植豈全荒慚余出涕陪諸
友莫慰慈親哭櫬床

輓軻同患久相親臭味如君得幾人醉後悲歌常當泣饑來絕
口不言貧葉砧忽斷刀環夢書卷長封几席塵死去那能無係
戀一回嗚悵一傷神

草堂人去暮雲低門外青山鵬鳥啼三黜未容探月窟畢生猶
恨蹶霜蹄病根實中壺蠱毒困境終蟠尺蠖泥醫緩那能窺隱
疾不關投藥誤刀圭

殘夏

病守空齋作卧遊豈忘時序暗遷流夜來愁味濃於酒雨後雲
光澹似秋書卷迎風開半帙竹簾邀月挂雙鉤不知好景歸何
處蕭颯黃昏獨倚樓

秋聲九首 錄三

底事蕭蕭瑟瑟聲百端
根觸不勝情響隨黃葉飄
三徑寒逼青燈黯
五更山氣薄蒸雲自散
天香深灑月當清
愁中慣作無聊想
簷鐸來朝可報晴

雨聲

何用陰霾發怒號
微颺輕颺足刁騷
力能破曉穿窓紙
意欲催寒試剪刀
陡覺荒涼蛩入戶
獨饒清警鶴鳴皋
怪余不肯捐團扇
留障飛塵撲面高

風聲

隋舍天籟正忘機
忽聽鄰西夜搗衣
可爲汚私商薄澣
還因寄遠怨遲歸
玉梧井畔水花急
鐵馬簷前風力微
我亦年來無褐者
寒氊坐老計全非

砧聲

題謝退谷畫冊十二首 錄一

想像湖光漾碧波
亭亭風致澹如何
翻嫌爾雅工疏草
釋到芙

漢句轉多荷

頌南羣推

番禺劉彬華藻林輯

林龍

字鐵篋潮陽人太學生著有卅愁集

過岐嶺韓文公祠

虛化擲黃金千秋可憐者林木浩呼洵喻若黃河瀉人語廓紆
盤神鴉蹶古瓦奎文競秀發割匹雲錦寫百兩市玉鞭駕駘暗
笑馬平生霜棧淚抵公不無灑

答陳文學曇除夕見贈次韻

敢說精神似鐵兵那曾千里不留行握奇眞解迷元女題柱何
當愧馬嘯自古文人工失職況今祭酒尙諸生江關無用悲搖
落幾個王孫代有名

答客

卧慣嵇中散經年髮不梳風停花落後病耐月明初白袷儒衣
賤青山鶴俸虛琴書已典盡不必問田廬

答梁二梅次韻

血色苔斑繡益勞倚天猶足攝星毛齊門抱朽三年瑟月匠羞
瑩七寶刀無事方從犀首飲有愁不耐卷中騷青蓮傲慣金閭
客願領還披宮錦袍

來詩愧無綈袍之贈于時金盡而裘未做用作結句誇之

讀史 錄五

羞從年少請長纓幾疊鏡歌製弗成赤水沈舟浮馬過黃頭吹
角引龍鳴急辭干木藩東魏譽誤深源決北征究竟螳螂礎不
武千夫版築受降城

但航銀海洗氛冥豈有黃巾感卒經莫保司農書帶秀難期蔣

帝羽旗靈無家燕子風前繞
獨客茄哀月下聽却憶沙蟲初解
甲鄉屯萬堡哭秦庭

蒼藤白骨鬼相扶廢堞寒原鳥怪呼
卜式捐金輸國餉春陵苦
吏按民租僵蠶八繭抽絲弱駐市千牙撞器沽安集流亡毋再
失須防青犢嘯媿徒

癸庚呼罷陣雲奔掬指爭舟怨可言
執法知能寬馬謖風謠何
解救華元椎牛犒士開堂宴殺馬臨牲祭死魂苦樂克均朱鷺
發金釵阿杜勉承恩

作賊誰聞得有終何期反覆撫恩窮翻求太白竿徵貳竭免樓
船下阿童臘鼓江花春寂寂火牛膏笈焰熊熊旄頭矢到彤雲
破萬丈扶桑看掛弓

春日遣懷次陳十四仲卿韻

錄二

樹樹無情碧由人悵落暉玉梅床未穩
宕子夢何依棄婦牽花屋名門嫁寶衣
軟紅塵一浣頑豔意俱違

每苦愁心攪燈花徑喜歡果成銅斗句
不落孟郊寒館閣撫袍麗刀圭誤世難
誰憐金翅剪只用截湘欄

嶺南羣雅

溫承恭

字莊亭德慶人歲貢生著有蜀遊詩草

玉壺山房詩話莊亭有治事之才側儻自許慕蓋次公陳同甫爲人談兵則效杜牧請纓則思終軍川中十度往返卒落落無所遇故其激昂慷慨之氣時露於詩亦奇人也

登岳陽樓

鶯花已老幾芳晨湖上樓開尙見春去國懷鄉餘此地先憂後
樂更何人洞庭船過糧輪遠巫峽書馳羽下頻時事關情中亦
迫却憐飄泊是閑身

過巫山峽

清風吹入峽一片布帆寒水似從梯上天如在井觀人聲呼石
應山勢作蛇蟠臥起愁孤客猿啼夕照殘

白帝城懷古

七百營焦烈火焚嵯峨高嶺昔屯軍樹開巫峽寒殘日山接夷
陵暗遠雲千古有臣存一个再傳無國峙三分蕭條祠廟遺民
築伏臘雞豚薦故君

川東道中

川東江逆上十里百重灣有石皆臨水無城不倚山路多通嶺
背人半住林間耕牧時無事高腔唱往還

謁武鄉侯祠

偏隅延漢力扶持割據雄爭聽指揮死木可驅流馬役生天不
許臥龍飛謝安王導誰名士釣渭耕莘幾布衣栢滿一庭陰翠
冷黃鵬啼盡雨霏霏

過楊升菴故里

孤臣無力可回天，六詔雲山望縹緲。
大禮問誰容，范鍾夜郎歸。
早讓青蓮才，雄一代丹書恨宅冷。
三春綠樹烟長，跪宮門高痛。
哭水流，嗚咽似當年。

庚申回粵邀潘未菴明府張玉溪孝廉話別少陵草堂
此間莫笑醉題詩，悵望千秋有所思。
風雅尙存來後輩，古人可惜不同時。
心懷憂國誰無淚，客返他鄉我亦遲。
前哲一般愁易感，淒涼不獨爲分離。

中秋夜泊沅江

萬里同晴夜，天涯寄一身。
當頭憐好月，顧影是孤人。
鄂渚霜寒斷，衡陽雁去頻。
家書連日寫，今夕倍思親。

過歸峽

江烟寒暝色，人在一舟閑。
細雨連疎樹，孤帆入亂山。
風高傳鼓

角家遠恨刀鐙引鏡潛看髮愁多尙未斑

蘭市晚眺

遠岸鷗飛帶晚風炊烟如絮散微濛殘霞斜日楓林葉都向橫
山一處紅

嶺南羣雅

番禺劉彬華藻林輯

何元

字叔度號琴心高要人諸生著有清暉閣詩鈔

石室巖

雄雄定山橫湯湯洪水割雙峽日東流水落見山骨或云補天
餘旋乾坤維缺或云斗降精七豕化爲石高者爲崧臺其下有
虛室人間白玉京海上芙蓉關帝觴百神處日月石間出天門
開九關萬靈競排闥廣庭揚旌幢玉座擁簪笏龍象森欲動鐘
鼓激清越我家隔江水坐對萬峯列水石亂清暉軒窓翠如潑
閒來縱登覽奇蹤猶髣髴迴瀝湖波泠泠洞風發天聲號衆
竅雲氣吐幽樾窈窕蓮花洞深沈蛟螭窟蘿逕隱翠髮璇房奏

瑤瑟表靈闕，巨測作態棚。欲活安知非，再來所欣逢。故物一笑，又千年塵海從生滅。

石室彈琴

朝遊石室岩，掃石彈素琴。我心已如石，我琴還寫心。拂拂十指，閒琅琅。出石音中，雷天宇開。白日凝清陰，倒映四立壁。百恠懸，差參迴。飄挾飛動衆，竅鏘璆琳。丁丁滴玉乳，拍拍翔仙禽。仰瞻穹窿高，俯窺淵潭深。衆賓悄無言，寒氣襲重襟。罷琴自惆悵，重想潛龍吟。

旋螺巖

石腹如盤蝸，石孔如旋螺。又如九曲珠，曲曲穿蠧過。出入一石中，蛇蛻蜂攢窠。人間目不到，一皺千陂陀。呀然小有天，紫翠綯晴霞。石屋疑有人，壁間有石屋可容數人門壁天成羽衣出薜蘿。不知誰所開。

殘垣尙崒呀山石有時爛安得名不磨况此塵外蹤得門亦無
多茫茫望人海無風自揚波何必學神仙然後栖山阿婚嫁縱
相待百年能幾何誅茅儻重來永託安樂窩

扶嘯臺

在屏風
岩半壁

一石平圓滑如酥厚不盈尺徑丈餘中橫一壘未育斷半嵌飛
磴半壓虛人來石底出石上踞虎擎龍屹相向二分側足膽亦
豪半空拍手神俱王煙蘿翠壁逼霄關雀駕雲旗紛珮環應有
蘇門鸞鳳響天風吹不到人間

銜珠逕

在屏
風岩

茲岩不中空彪外鬱竒迹巘岈萬削橫龍從衆皺積何年鬼工
開疑借巨靈擘倒竈大鵬嚼側剖瘦蛟脊飛梯接虹垂夾磴入
雲塲屏風九疊上羣真此爲宅風雷亂半夜千丈轉崩石似嫌

谿徑通欲使仙凡隔山靈未忍闕驚救巧作劇掀翻幾轉丸

屭快一拍尙嵌空飛動恐破壁跳擲有樹中倒懸連根抱肘腋

雙壁夾一圓石中間一樹側生環繞石旁

其上有別天其下留餘隙壽然箭筈通窅

欲圭竇闢當關雄一夫呀峽小千尺

壁上刻小千尺峽四字

苔深蒼蘚繡

皴瘦小斧劈剖蚌露脣缺探驪畏鱗逆入門先脫笠拾級不可

屐竄身苦曲足回首駭破額始知造物意靈境終護惜往往回

游心時時謝塵容我從山外來行路日逼窄屈曲久世間暫枉

未爲屣搜奇愜新賞越險驚創獲振衣凌絕頂聲聲舉風翻

仙掌巖

巖巒何聯絲一石獨無偶陡然平地起西出羣峯後孤根莽回

互有如杓在斗絕頂開陽窩又如掌在手叅差數峯列如指復

如拇何人作非想微徑空中取千丈懸鈎梯百折構鎖紐踏天

排石扉倒景穿雲竇陰陰木千章幽幽宮半畝石几枕孤松蔬
圃臥疎柳天際出樓閣雲端散雞狗登高何茫茫壁立頻搔首
大江從西來曲折復東走端江納衆流高峽吸一口回眺煙水
外萬山如培塿長雲低側帽罡風引高肘夕陰落平湖演漾滿
林藪

羶羊峽四首

錄一

積翠湧岩堦中流逐迅颿雨沈雙嶠合雲動萬峯搖吮握當西
路支分控二樵深林聞野鷗濟險幾魂銷

春懷

春草綠春洲春波日夜流羣芳欲誰遺望遠不勝愁良會那能
再容華難久留徘徊碧雲暮明月方當樓

山居秋夕

空山澹無輝夕嵐蕩餘景疎疎秋葉黃
撼霜颯冷石縫蟲亂號松梢雀多警
幽人得無睡耳聒心轉靜落月透竹房
繩床枕疎影

舟上大小湘峽

長江一箭飛萬嶂若破竹小湘握其吭
大湘蟠其腹翩翩西上舟雲帆互相逐
江厂有人家半繞山之麓離離竹柵間
隱隱聞兒讀犢背午雞鳴松棚秋瓜熟
山高農亦田地僻風猶樸余欲謝城市
來此啖蔬菽蕭然江上風斜陽挂疏木

舟中望東安諸峯

江昏山欲雨舟行雲氣中清颿脫然至
遠見峯外峯寸碧靚天表衆皴顰秋容
黛痕出新沐返景含微烘倒暎大江流
濯濯千芙蓉視下若有得仰觀將母同
飄飄如欲仙淩波御天風回首

向來處夕嵐蒼翠重

江行遇雨

溽暑秋更酷片帆風力微
橫雲壓山出驟雨挾江飛
世路自叵測吾生甘息機
陰晴隨處異孤櫂欲何依

登封川城後山

秋色不隔遠憑高雙眼明
孤城一峯抱兩粵大江橫
西路當雄障東郊鬱古情

附城東有錦衣坊是莫重節先生故里

夕陽林水暝愁聽鷓鴣聲

菩提壇

在光孝寺

一花開五葉葉盡不復吐
誰從無根處又取瓣香付
蓬蓬訶林間一株寄生趣
高枝且千尺密蔭已百步
雖無花與實其葉比
縑素細筋嫩井花圓光出
烟霧

葉大如兩掌以水淘之細筋如紗絡菩提紗可作書畫

寧

知千歲質忽變一朝仆復甦
取因人終枯母乃數

乾隆戊午構為大風所拔

扶植既斃秋風吹古壇白日照荒路蒼藤猶蜿蜒亂石各抵牾
踰年復枯禪人久歎息遊客失驚顧我聞孔廟檜萬古如且暮乾坤有生
氣根柢共蟠固西來尙無生生理自可悟試看六祖塔塔在壘側菩
提本無樹

半山亭

萬綠叢中天宇開孤亭突兀倚巖隈驚禽帶葉谿邊下飛瀑如
雲樹杪來疊嶂日斜雙目迴上方鐘動六塵灰林泉已足窮幽
賞且任蘇門一笑回

觀龍湫

我聞山下泉混混流不竭寧知萬仞上沛若江河決想當造物
時精氣妙鎔結鑄山如鑄人摩頂亦見血神漢湧山椒餘波散
巖穴衆流納巨壑蓄極快一泄我來石亭上高風正凜冽水石

相椿撞雷霆散冰雪空翠撲眉宇清寒入心骨沈沈千丈潭乃是藏龍窟秋來旱太甚雷雨瘖不發投石激之起使解衆生渴枕流聊濯足雲氣倏蒼鬱日暮還出山橫江風雨疾

關山月

關山復關山海月夜臨邊一片風塵色無因吹汝圓猿聲動豪竹鴻影入商絃萬里離人恨依然共一天

用韻酬譚文學敬昭寄贈

美人撫瑤瑟太息感知音一夕秋風起飄然千里心余亦久家食閉門庭草深望斷碧雲暮徘徊江上吟

蘇文忠公硯歌爲惠州太守伊墨卿先生賦

研高六寸二分寬三寸一分厚五分背有草書賦字又有德有鄰室印大

守修坡公故居得於墨洛以示魚山師因命同作

使君手持一片石厥背一字鐫曰軾玉靈陰鑿馬肝色水痕黠

淡土花碧思無邪齋今在亡德有鄰堂印猶識吁嗟此石何處
來闕七百載留銘勒白雀峯頭屋廿間硃池墨沼埋荆棘殘山
剩水爛不收時有寶光動雲霓當年起草侍明光鳳唳龍尾屢
承敕可憐浮雲蔽白日一麾出守更遷謫筆墨之緣難謝却文
字之崇一何極西湖楊柳漫吟哦南海荔枝重歎惜回首瓊樓
玉宇間手把雲腴意悽惻寧知真手有真視大哉隱見來消息
堂堂太守蘭臺客舊時池館重開闢若使髯仙未心許肯爲相
酬輕尺璧雲亭舊侶寄慇懃太守舊與魚山師同官刑部嗜蘇嗜研知同癖
竭來一日三摩挲也復傳觀到縫掖茫茫今古文章伯楚人失
弓楚人得匣中方寸有滄海百斛原泉起涓滴好將衣鉢紹薪
傳豈獨飛鴻留雪跡手澤如新永不磨靈物可寶不可役

丁卯初春刻魚山師星巖詩石室巖內時寓巖口三元

閣感賦二首 錄一

山翠湖光亂曉暉
筍輿藤帽叩巖扉
來多只見莓苔長
坐久時聞蝙蝠飛
深洞藏龍晴有氣
高樓聽雨夜添衣
傷心勝地風流盡
靜撫遺篇自累欷

嶺南羣雅

番禺劉彬華藻林輯

丁 嵩

初名杲字升初一字鏡人番禺人諸生著有不忮求齋詩
草

田園秋興和陵山韻四首 錄二

榭葉楓林半染紅村墟景物畫難工溪頭木落寒鴉舅牆角霜
深老橘童糲稷熟應占稔歲芙蓉開合向秋風時方罷閒居隨意
能尋樂那管潘郎兩鬢蓬

面圃開軒境最幽長松兩岸夾寒流迎風笛亮歸羣牧掛樹簪
閒罩小舟日落遠尋沽酒市雨晴常倚看山樓此身未擬淵明
隱又爲黃花住一秋

春遊

平原草輭馬蹄輕
恰恰春鶯隔樹鳴
好是綠楊三月路
落花微雨過清明

舟行卽事二首錄一

林端隱約見樓臺
數盡江鄉夕照催
迎面山隨潮轉去
打頭風帶葉飛來
紆徐水路經三折
遊賞清秋又一回
自是烟波幽興好
銀銜爭倒社前醅

聞鳩有感

紅棉綠樹拂雲齊
喚雨呼晴小閣西
我正春令淒欲絕
煩君飛向別山啼

嶺南羣雅

番禺劉彬華藻林輯

鄭灝若

字萱坪番禺人嘉慶癸酉拔貢生著有榕屋詩鈔

玉壺山房詩話萱坪爲荔鄉太守之孫總角有珠環之譽詩筆魚魚雅雅麗而不靡質而不俚句如短夢戀鄉曲輕涼凌客心坐雨春如夢懷人畫似年碧樹留烟增暝色晚風掠鬢似新秋富裁陽羨千頭橘貧賈東陵五色瓜竟去依人誰作主偶來望遠此登樓皆不雕琢而自工

從役新安道中有作

寒柝聲聲急荒雞處處鳴星芒流大嶼海氣逼孤城入寺宵傳食依山夜結營墨痕飛盾鼻戎馬有書生

卽事

牽羊銜壁微前事何故孫恩尙揭竿法網已開滄海濶蠻烟猶

結陣雲寒漫云將士無功久始識恩威並濟難討賊幸逢張叔
夜一天屏翳掃狂瀾

雜詩十二首 錄四

三皇與五帝立說各不同紛然等聚訟學者將何從我謂天地
人三者開鴻濛五帝賦五行東西南北中各以其德玉非若相
代終所以唐堯時青陽猶降封

志士重復讐忠孝當兼顧未有不忠君而能孝於父子胥破郢
日手鞭平王墓穀梁與呂覽一一詳其故奈何恣快論不復審
時務掘冢鞭其尸更紀三百數是乃已甚言毋爲腐史誤

荆卿西入秦主客皆不智不借高漸離不借宋如意而借秦武
陽實足僨厥事太子滋生疑所約客未至何不披肝陳輒便往
輕試圖窮匕首見秦王繞殿避五步能伏尸且作唐雎刺胡欲

學曹巖思反所侵地事勢有不同竟忘投鼠忌先索將軍頭未
免亦兒戲若論劍術疎已落第二義

壯哉少卿言不死非壯士乃於轉念間欲得數十矢見危而三
思則必不能死人生如朝露卿亦明此理胡不偕成安功名爭
青史苟作犬羊生何以謝知己漢卽不族誅難免隴西取得當
思以報恐作河清俟丈夫不再辱國士固如是

古別離

遠與君別者乃至白雲關白雲遊子心春花兒女顏送君當遠
道秋風露已圓君如海上月明明白玉盤妾是波中影視君爲
團圓君圓妾盈滿君缺妾摧殘

秦漢瓦當圖歌

王述葺孫淵如錢獻之各有瓦當文樞本余於三家

之外搜得十數種合而摹之名曰璧璫圖馬德隅見
之稱善以小石摹刻之如漢印然社中課詩以此命

題因賦六十韻

束髮讀賦東西都宮闕形勢參黃圖椽頭飾金具文字瞥見古
篆心怡愉鹿泉先生今通儒侯官林吉人估片瓦得自耕田夫濡之喻

麋襲文錦珍秘奚翅同瑤瑜當時偶爾出莽棘黃童白叟皆驚

呼摘華松藻紀來歷新城祭酒長盧朱王士正朱彝尊黎邱張徐萬李

陸黎士宏邱象隨張鴻烈徐鎮萬斯同李澄中陸棻鴻詞先後相于喁惜不早並石鼓

出快得長調歌韓蘇直至 聖代尚古學殘碑斷碣披榛蕪壁

璫競出莫窮狀一一完好無摧枯秦瓦漢瓦亟難辨秦篆漢篆

寧同途蒐古學士寶奇字謂王孫錢諸君謂與繆篆分貂狐硬黃響榻

更箋釋臚列座右供操觚以石代瓦琢小印誰其作者馬德隅

自是腕下具神力不待切玉誇銀鈎鐵畫期酷肖輪廓周
致如五銖秦歟漢歟廣搜剔五十餘印星聯珠紫泥繭紙作屏
障別饒雅趣今時無吾聞羲軒闢靈秘龍發龜感通苞符倉頡
造字鬼夜哭星雲禾穗稽唐虞周宣岐陽講武事史籀大篆錢
砮砮汗簡流傳或不具叔重略摭存規模秦皇蠶食一四海同
文豈得齊寰區臣斯臣邈作篆隸一變蟲鳥兼符爻斤權銘識
洵肅穆泰山石刻終模糊漢興文字就簡易似與古法猶相須
西京一甄等星鳳尚論至此增長吁官印私印縱千百結體繆
美羣爭趨旁以此瓦證因草猶飲一勺知江湖非籀非篆亦非
隸形勢更與鸞皇俱要其結構合古意枝葉小異同根株吾徒
羅致備叅考宜比鐵網收珊瑚當時冀闕具瑋麗紫柱翠幌排
金鋪阿房宮中貯六國手門萬戶稱通衢離宮別館三十六充

實鐘鼓儲名姝長楊甘泉更奇誦宏廓舊制忘民痛黃金爲釘
壁納帶後庭彷彿椒香塗楚衛偶亦辨土姓其不備者咸陽屠
一十二字最精美循環可讀如轆轤亦有奇文迴殊別天屈結
出繩盤紆或又物象類巫覡伏蛇飛鳥蹲於菟以狼作欄揜作
掖櫻桃五柞皆枝梧年深豈能免缺畫必欲附會多牽拘長毋
相忘矢毋極多情天子寧終渝延年益壽善領禱以此齋祝非
欺誣乃有高安萬世語高安萬世或以爲董賢府第瓦便嬖之輩尤諂諛古今
天地能幾瞬二千餘載同須臾徐市不歸五利死神仙之見真
庸愚一朝殿閣鞠茂草風嘯雨嘯趨磨颺珠簾甲帳悉黃土微
物似有神持扶薛痕隱約土花碧撫摩膩滑如凝酥古氣磅礴
誰與匹棲鳳之鐸盤蛟壺香姜銅雀僵且走猶以小巫見大巫
賈人寶之逾拱壁直欲百萬償青蚨價高不得廣藏弄奇貨居

此何拘迂我昔三家合善本去同錄異親臨摹明牕淨几載披
展不獨可以供清娛按名廣補圖志缺問字細辨點畫殊不然
玩物已喪志寶此瓦礫胡爲乎長歌題圖正好友定與我意無
齟齬

登梅子山

一徑通雲表孤亭俯碧潯江流朝復暮山色古猶今客作羅浮
夢花含天地心倚樓聞玉笛高調孰知音

漢陽南樓

客路三千亦壯遊西風送我此登樓奚奴解事能謀酒高士行
吟最愛秋十里江聲趨大別萬家燈火下黃州滄桑易變元規
往多少雲烟眼底收

抱福山

千載清遊滯夢魂強拋塵鞅叩松門寒泉曲抱孤山麓落葉深
埋野樹根欲訪仙巖雲乍合待修丹鼎竈空存裘裏盡日無人
見暝色蒼茫叫暮猿

由羊蹄嶺至鷺埠

凌晨渡幽澗霞光逗清曉羣峰列嵯峨側徑穿窈窕攀引借藤
蘿行踪逐猿鳥呼吸通雲烟人語雜樹杪振衣清風生下視衆
山小紆迴抵蒼麓平楚恣游眺空翠撲長林寒碧媚叢篠沿流
足游觀清波生浩渺游泳出脩鱗青紫紛蘋蓼清輝能娛人四
山復縈繞回首矚故蹊石磴在雲表

珠江競渡詞八首

錄三

魚藻門邊香霧橫五羊城外晚潮生端三端四龍舟雨添得新
潮拍岸平

不管荷溪與大洲祇爭卮酒又爭籌笑他也有三場勝奪得龍頭喚狀頭

郎把扶胥比汨羅儂將珠水比江波郎是男兒憐屈子儂因女子愛曹娥

登五層樓望海

我有遊癖殊凡庸塔必造頂山登峰危樓五層振衣上不避塵網蛛絲封紅闌高倚霄漢中雙眸乍豁開心胷起濤飛沫洵奇譎萬里無際波溶溶波羅扶胥納巨細赤花黃木背朝宗白波若山合復雜海氣蒸作雲烟濃片時倏忽具晴雨一日氣候兼春冬陽鳥乍迸霞光亂飛精四射金初鎔須臾半天過白撞渴虹吸水垂癡籠雲氣瀰漫露爪鬣俯仰或似黃山松鬣風吹浪乍飛立黑水倒瀉玻璃鐘陰陽呼吸倏變化得觀此景真奇逢

吾聞瀛海八千里長山巨浸相交衝焦門厓門據險隘大虎小
虎蹲橫縱鯨波曼衍蛟涎毒奔雷激電難追蹤一朝安瀾島嶼
淨天開圖畫舒晴容風檣雲航雜杳至梯航萬國來蠻貊斯樓
閣世四百載靜鎮形勢消星烽駕熬控鶴仍西東雉堞百二圍
金墉白雲蒲澗供一覽脚底朶朶青芙蓉滙江浮屠半明滅寒
雲漠漠烟重重

虞祠落成賦呈賓谷方伯

直諫固難容知己尤非易功曹侗儻人少小負才智初逢孫討
逆不以等郡吏奈何櫻積怒放逐走荒裔咄咄黃鬚兒稱名愧
難弟美寶待彫摩幾成文舉繼舉似賈洛陽本非獲罪戾長沙
一畝宮過者尙流涕而况瘴海濱終身遭屏棄日斜服集舍其
詞寓傷頓弔客託青蠅將毋同此意憂患伏事機浮湛感身世

應夢衍義文一一糾異義獨怪明設象吉凶昧趨避天殆相南
離文章開瘴癘功在韓蘇先學乃高楊嗣實啟粵人衷於法固
當祭所惜訶子林風雨不能蔽提携風雅人俯仰有深契塞徑
剪蓬蒿當軒莠蘭蕙魂今倘有知憑依講學地何以侑清尊黃
蕉雜丹荔

題孟華墀明經獨樂園詩草

我與孟華墀交垂廿年久意氣堅金石真摯罕其右不惟一字
師兼以三益友君固期我深我亦望君厚奈何汗血駒共作轆
下守徒從字句間相誇好身手手出詩一編胸藏才八斗快如
并剪飛熟比盤珠走字字性靈來處處肝膈剖行樂無二三言
愁或十九讀亦泪痕枯作更心血歐君年服官政高堂有老母
時戲作兒啼舞綵爲母壽

集中

熊罷夢雖虛猶子爲君後老蚌

生明珠此事世恒有明經署頭銜豈足償夙負視我一無成不
猶誇雞口胡爲吐屬間痛心復疾首要其肺腑言實足垂不朽
以視風月詞泰山于培塿我有榕屋篇千金享做帚乃其候蟲
鳴終當覆醬甑明鏡欣高懸敢匿東施醜勉作木瓜投報我須
瓊玖

溪晚

雨雲含水光暝色似將曙野岸寂無人寒鷗自來去

寒食前一日過陳氏廢園悵然久之

一株橫林白輕烟淡有痕明朝是寒食細雨近黃昏小院春如
海無人晝掩門亂紅飛欲盡誰爲賦招魂

將至羊城

寒白破空碧遙天月一痕先秋蟲語岸入夜水明村柔櫓搖清

夢鄉音悅旅魂因之懷陋室槐蔭正當軒

嶺南羣雅

番禺劉彬華藻林輯

黃培芳

字子實一字香石香山人嘉慶甲子副榜貢生

著有嶺海樓詩鈔

玉壺山房詩話吾粵黃文裕公爲前明名儒家學相承世傳儒雅子實其雲孫也初師事西疇田君旣又遊余門慕古嗜學馮魚山先生最器重之草創學上所稱粵東三子子實其一也性情靜然間登臨攬勝輒神動色飛宮三遊羅浮於絕頂築粵嶽祠以觀日出自號粵嶽山人又以前人志羅浮者多詳於羅而畧於浮乃作浮山小志以補其闕於攀崖躡磴時用心頗密如其詩境亦緣是益進蓋山水清音兼有琴筑鐘鐃之奏沖和豁宕旨趣遙深矣今其年方盛充其學養以勉紹泰泉之風余烏能量其所至也

望羅浮飛雲頂

飛盡千峯雲突兀矗天外浩浩元氣通上與眞宰會作鎮雄百

蠻翁關仙境大偉哉盪吾胸騁眺入青鸞

粵嶽頌

并序

史遷稱羅浮爲南岳佐命屈氏直欲推爲南岳余謂
羅浮粵望也可稱粵岳廼爲之頌

斗南一嶽天外三峯子夜觀日羣仙駕龍

羅浮放歌

我思太古洪荒來川澤融液山胚胎水流山峙天地奠更有離
合何奇哉昔人謂羅爲主山浮山堯時九年嗟澗洞禹甸九土
自太古浮來或云堯時猶蒿萊水患懷襄極汎濫山疑飄蕩無根芟相傳神山在渤海
三峯上聳金銀臺一朝蓬萊失左股南溟湧出浮崔嵬巨靈有
意故附會羅浮合并難中開鐵橋橫亘入雲漢造物好奇爲此
玩兩儀原自太極生二山定有元精貫曠觀五岳鎮中原衡山

乃在諸夏半羅浮徒以佐命名傑出空負炎州冠北岳旣臨北

地隅南岳合居南海畔不爾當推粵嶽崇肇錫嘉名成壯觀仙

居第七古洞天畸人逸士求神仙稚川獲得丹砂日安期不遇

祖龍年竹符丹竈本荒忽靈禽異蝶還蹠躑逃名洗耳來古澗

盡醉賣酒餘平田當時周濂羅章諸鉅公流連景物茲山中儒

先豈有烟霞癖山水偶契仁智胸粵洲祖泰泉翁居山著述侔

化工圖經特爲闢真面賢關何意埋荒叢先祖粵洲先生嘗隱居山中著三五元書

皇極管窺等書文裕公繼此講學闢泰泉精廬修山志著圖經弟子黎民表爲之註山志出此始傳今秋我來追

奇蹤遙探四百三名峯飛流萬丈白練素列岫千朶青芙蓉出

門前導呵啞虎入室近玩摩銅龍忽看雲氣驟彌合翻似海色

翻鴻濛陰晴朝暮各變態淡濃遠近紛修容荒村幾度綻梅萼

古亭盡日吹松風蠻烟蜃雨憶坡老參橫月落懷師雄我生未

得遊五岳五岳披圖思大畧莽蒼崇宏定有餘幽秀靈奇當不
若我與山靈信知己山靈於我如有約使我來時風日佳天公
爲我淨林壑題詩何必碧紗籠放懷且倒金樽酌

題東坡山房

東坡山房一物無一房山盡屬髯蘇朱明洞裏來遷客風雨山
中入畫圖當日樓遲如病鶴有時洒掃待麻姑瘴鄉萬古覓應
狂欲薦寒泉一束芻

游五龍潭觀羅浮二字大石刻

龍潭清且寒毛髮颯可辨上有十尺字磨崖作秦篆仙人時來
觀萬古積蒼蘚迢遙望山色鐵橋隔絕巘安得騎龍飛雲間任
舒卷

題酥醪觀小樓

并序

仙人好樓居而羅浮頗妙精構道人江瀛濤築小樓
於酥醪觀之陽擅一洞之勝余顏曰浮山第一樓酥
醪故葛洪北菴昔安期生與神女觴此

羅山踏遍少樓臺洞入酥醪傑構開萬壑烟雲浮檻出半天松
竹拂窓來稚川此地曾高臥神女何年更舉杯我且置身高百
尺憑欄清嘯動林隈

浮山古銅盤歌

酥醪觀道士
江瀛濤贈

安期遊戲挽銀潢招邀神女傾天漿呼吸山淥仙露涼滿山化
作酥醪香羣仙來睨相翱翔遺下銅盤埋土圃仙人法物竟沉
陸春雨龍耕破山腹千年久瘞白雲深一朝忽見榮光燭道人
拾取濯溪流隱隱苔紋起寒綠珠宮紺宇藏古珍瓊笈雲房同
秘籙道人瀛濤豪俠儔慨以此寶歡見投我昨來從丹竈遊遺

磚會獲山之配信是仙家不我拒重使神物能兼收百回摩挲
知不厭二難合并還何求攜歸尚帶烟霞色觀者流連生歎息
從容吟嘯置坐隅細檢爛斑土花碧從此幽齋多古情芳樽同
伴風月清君不見漢武銅盤空折取九霄飛露寒金莖

自酥醪觀出山是晚至增城

壺天小住雨絲絲候得新晴出洞時流水亦知遙送客名山難
定再遊期千峯高處行偏健百里歸程去獨遲晚抵增江殘照
紫瓣香還展菊坡祠

謁南海神廟

朝日出扶桑扶胥浴日光百川爭赴海四瀆首稱王蠶影飄瀛
甸碑林立廟廊巍巍崇貝闕凜凜肅朱裳馬鼓銅傳漢韓文石
重唐我來三倚棹此度一登堂山峙圍叢木亭高瞰大荒虎頭

雄作戶鼉背聳爲梁澤暖魚龍變天空雁鶩翔風帆迷出沒烟
水混蒼茫元氣通嘘噏神功協雨暘共覘中國 聖無復海波
揚祭告隆 昭代聲靈溢外洋永維安地軸歷久煥 天章

詠懷錄四

寓內勝山水寰中多高人安得肆延覽有道懷交親江湖動上
宿談笑無強秦慷慨燕趙閒灑落吳會津我非高陽徒斗酒聊
漉巾雖隔桃花源要亦無懷民

民當先稼穡聖哲常躬親濫以四海憂菽水尚未陳季子遠遊
學范叔終說秦抵掌取卿相於我輕浮雲

高堂有白髮曷云請長纓績學譬機絲中斷難再成報章不可
期助以長庚明辛勤忽達旦河漢西流聲

叢蘭敗秋風浮雲翳明月齊物徒紛紜仙人獨篋絕安期與我

遊贈我青玉瑛所貴純無疵溫然皎以潔懷之在襟袖三年靡
所謁我但乘風翔渺與雲漢接

白雲山紀遊錄二

山堂飯罷意蕭然古榻凝寒獨不眠起聽風濤在羣木坐來星
斗散長天安期已往三千載洞府潛通四百巔閒對月明諸品
靜夜深還試九龍泉

天雞忽報海潮生犯曉披衣出寺行上界朝暾如待沐下方宿
霧未全明千重巖壑延佳氣一面樓臺混太清欲訪奇踪何處
是朔風蕭颯樹縱橫尋亦得所
石不見

送劉中台如羊城

君且掛颿去蕭齋吾自安月明人不見江上柳初寒小別豈須
惜中懷渾未寬興來發清詠早寄故園看

秋懷

客子逢秋感，亭皋落木寒。
江鄉牽夢遠，書札報親安。
白露淒蘭芷，高風肅羽翰。
蹇誰此留滯，烟際爲盤桓。

月夜與竹孫吉士遊桂峯

到山山月冷，山僧下山去。
滿山松栢香，蕭蕭不知處。

獨坐

冥冥烟景大江濱，眞覺天涯作比鄰。
湖海生才誰是傑，家山高臥又逢春。
鯉魚遠憶供慈母，香草何緣貢美人。
謂竹孫獨坐一園歌寂寞感時花鳥漫相親

喜蔭亭二兄自懷集歸越日余返香山館舍

春寒三月換征衣，襪敝初從海上歸。
經歲別離疑夢夢，百年兄弟共依依。
關關風雨沾新酒，拂拭琴書下舊幃。
明日家山余載

道江天回首又相違

詠一鶚并序

廬陵張千載號一鶚文山友也文山貴時屢辟之不起及難潛見文山曰丞相往燕千載亦往三年居囚側饋飲食授命之日置一櫝藏其首并求夫人骸骨奔歸其家以葬

文山善得友貴不忘平生十徵九不至季世難爲榮紅塵忽蔽日丞相之燕京一去知不返慷慨遂偕行三歲濟其阨豈淪金石盟大運不可爲天地何冥冥丞相已千古挈櫝悲南征患難生死間然後見交情君子重信智卓哉後世名

夏日雜詩 錄四

離明炳萬物草木長微陰炎炎勢方盛消息遂相尋始知不竭

歡君子用意深閑居玩物理太始妙無心

脩士坦幽抱與世久無爭寧必效執雌強梁終自傾循墻意益
恭庶免外物撓善觀人我際萬類得其平

六合匪云廣闔門寧易之六軍良可御戶庭或不治相形豈見
絀才德互有宜觀人於所忽吾道謹其微

當境有至樂超然與物俱隱几繁陰覆好鳥鳴當廬名園我獨
涉心境日以舒天游不淡泊此中有華裾智者苦不足愚者常
有餘

偕方竹孫過天池菴弔其從兄子谷先生

天根

不緣選勝遊南郭爲拜詩人特地過十載神交生死闊百年涕
淚弟兄多蒼山寂寞餘文藻古剝荒涼惜芟荷落日西風禾黍

外蕭然歸路動悲歌

天池芟荷香山人
景之一今燕廢

白雲寺題壁

路轉峯迴見石梁樓臺深處是仙鄉
曉行人帶烟霞色雨過山
含草木香梵磬數聲傳澗谷酒家
隨地隱松篁雲端縹緲留三
宿環佩天風境不常

哭馮魚山先生

錄二

哀計傳來陡自驚百年宗匠失先生
珠池海外終朝竭銅柱天
南一夜傾止見鱸飛寧見鵬是騎箕
尾定騎鯨捐館之頃人見白氣升天
江門絕學誰其嗣惟有沾襟涕淚盈

身後蒼茫付與誰羣賢經紀事堪悲
蓋棺定論真無愧殉研鐫
銘尙有辭欲返靈車愁竭蹶兼憂嗣
子病支離問存弔死情何
限況是淪亡大雅時

金溪卽目

有客輕舟雲水邊空濛載入蔚藍天珊瑚影逐春流亂十里清
溪放木棉

夏日遊蒲澗同家志平秀才李陽谷兄弟越塵虛谷二
道人作琴酒之會

初夏生微涼芳原散晴旭偶約素心人探勝白雲麓錦囊貯絲
桐匏樽載醴醪到山日卓午旋折入林谷澗深不受日匡崇交
蔭木石氣鑑人青山翠點衣綠對坐白石間流泉清繞足橫琴
淨蘿磴一觴彈一曲坐想避秦人曾采菖蒲服仙真去世遠寒
岩賸殘馥坡老舊題詩雲外畱芳躅逸興無古今幽期謝榮辱
何年賦偕隱來結山中屋

二十八虎圖

東莞宗人友竹善畫虎
人戲以黃老虎呼之

市上轟傳黃老虎有客驚聞氣先沮誰知一老寫閒愁愛把山

君描作譜譜自爲圖二十八一一丹青奮威武從風隱霧各有
時盡相窮形亦何苦故應畸人別負奇奇氣向人無處吐填胸
但覺星宿羅揮豪遂與雲臺伍庸奴俗子相戲嘲對此耿耿胡
敢侮馮婦重來定下車李廣遙驚空沒羽須知解鈴妙有法寧
教履尾爭逢怒圍成入市換酒來擲筆傾樽酣起舞

戊辰歲暮重遊羅浮錄四

歲暮方輟講遊興如有神儻問家人業意氣何時伸黃冠適招
我高堂告慈親親言終歲勞許爾暫閒身飄然攜笠屐漸遠世
路塵君看武陵叟重來已迷津我復遊仙山寧非淡蕩人

四百三十君一見先歡然問我來何暮揮手開雲烟行行入深
虛猿鶴導我前此來務絕幽無失背與肩泉石如有待一一爲

銘鐫

初入酥醪洞梅樹如瓊瑰小住三五日桃花相繼開洞中本常
春非關春意催隱几瑤窓下皎潔無纖埃夜來月照席不寐空
徘徊仙風吹暗香美人來不來

我欲飽看雲天公催作雨蒼鬱彌萬壑變態紛可數如翻渤海
濤忽曳長天組一峯乍龜頭一峯倏露股雲生旋雲滅峰峯互
吞吐雲中誰往還隱隱聞仙語願隨雲中君飄然事高舉

酥醪觀中贈胡栗堂

栗堂山人性孤矯愛向羅浮散襟抱山中并坐清晝長爲我行

膝開墨寶

以誥晉齋餞吳毅人先生詩墨蹟見示

鳳翥龍翔下衆仙烟霏霧結攜

春藻

天家辭翰不尋常題詩特送錢塘老傑句應推海內雄

長篇劇愛河間好兩山風雨合復離對此真同冰雪澡酒熟不
聞神女來庭閉擬待麻姑掃梅花未落桃花開天壇永歲生瑤

草看君神氣朗若仙風骨峻崢嶸異枯槁明年更道上天台此行
已共登蓬島君歸持此質詩仙

謂吳穀
人先生

語雜烟霞愧探討

南海神廟歌

南海之神名祝融進秩王位超三公玉殿金阡廟貌崇朱裳青
纈氣象雄扶胥日出光曠曠照見海底明蛟宮鼉鼉爲梁駕穹
窿萬靈趨走朝鴻濛廟中有鼓鑄以銅馮夷擊之鳴鼙鼙歲時
報賽奔村翁百戲駢集寶貨叢忽報賊艦來朦朧虎頭門颯旌
旗紅驅逐士女號悲風縛執驚竄哀途窮妖氛氣燄方上冲我
願告神神聽聰 熙朝牲幣潔且豐神主海疆奠羣蒙胡不震
電交相攻風馳雨驟鞭魚龍瀾翻海沸除殘凶鯨鯢殄滅迅掃
空逋逃藏納理豈容真宰呼吸如可通神其効職歌和雍

西樵白雲洞觀瀑

陰崖幽闕虎豹蹲誰劈鬼斧開一門攀林陟磴始到此跨流飛
度窮雲根四圍石壁倚天立忽裂石骨傾靈源仙人偶在山上
過天瓢悞向雲巔翻百尺斜飛破空下瓊瑰倒瀉驪龍奔山靈
一洗萬古俗振蕩林木清心魂昔我東樵展高步水簾瀑布幽
且繁九百八十看未足還來此地觀潺湲白雲冥冥滿岩谷雲
容水色相吐吞探竒得此復歎絕七十二峯休更論

倚山樓夜起

樓倚雲根結構牢秋林夢醒夜蕭騷百蟲漸響萬峯寂自起開
窓山月高

贈徐又白

青

看山曾共宿雲扃吟向山樓爾獨醒筆似韓公貌東野近來詩
客愛徐青

贖人行

海上盜船動盈百，東西南北候過客。相逢礮火聲轟天，萬衆齊呼飛過船。人人土色心膽裂，短刀交下白如雪。盡掠財物兼捉人，捉人上船佯怒瞋。奴顏囚首見板主，賊首板主頭裹紅羅巾貧富詰罷各乞命。千金百金贖一身，大呼紙筆作細字。索取百物限浹旬，逾時不贖剖腸腹。速寄家書歸至親，典衣貨產并哀貨。拮据措置潛悲辛，遣人入海與交易。但得再活寧論貧，更有細民居海畔。日日驚惶四逋竄，夜匿荒山洞裏眠。晨歸破屋茅中爨，盜船惟向炊烟來。奔逃不及遭羈絆，老父留贖兒放回。速賣耕牛數鬻牛，含啼鬻子僅取盈。老父歸來苦家散，人亡財盡四壁空。不死兇殘死困窮，君不見兵船西盜船東。兵船候潮盜船乘風，兵懦或退避盜衆還相攻。不恨兵船不得利，但恨不見

黃總戎

謂黃公標

風雨歎

蛟龍怒激海水立海水升天天雨泣颶風蕭颯擾不寧鎮日滂
沱夜逾急醒來驚視何泓然蒼頭稚子水中集脚底皆作波濤
聲牀前疑有江流入堂池室沼連庭除未看化龍幾化魚兒童
游泳但狂笑先生感觸增長吁昨夜知交走避此翻以此地爲
安居還憐瀕海萬家室牆傾屋漏當何如襪被衣裳半捆拾耶
孃妻子相提扶剝牀以辨切近膚飄搖無定何行乎欲叩巫咸
上天衢九閭隔絕誠難呼雲氣沉沉瀾碧虛願訴愚忱布區區
雷公一聲振天鼓觀師四面迴雲車颶收雨止海邦晏皇穹降
鑒民其蘇

三到羅浮口號

名山似約我長來四百芙蓉拂面開
儻遇麻姑話塵世三番清淺見蓬萊

登羅浮絕頂并序

嘉慶庚午臘月十二日夜宿黃龍觀曉起欲登絕頂
延緣攀陟身入重雲鬚眉皆濕是日乍陰乍陽諸峯
出沒詭異皆以雲爲變滅下視老人峯倏露半面倏
現全身俯仰拱揖飄飄欲動同行伴侶前者已出雲
端後者尚墮雲海呼聲笑語斷續雲際比至絕頂忽
然開朗皎日當中一覽萬里瞻眺半晌白雲復合咫尺
不可辨矣因憶衡山雲閉曾爲韓昌黎開今適相似
似亦奇遇也

凌晨揩目望氤氳直訪羅浮四百君
南斗以南推一嶽北山之

北入重雲極天迢遞中峯遠轉瞬陰晴萬壑分咫尺已迷前去
路祇應鸞鶴半空聞

千盤萬仞鬱崔嵬馭氣排空絕頂來且喜神山還日照儼同衡
嶽忽雲開側身霄漢天三尺俯首滄溟水一杯共說紅輪輝子
夜扶桑東望好徘徊

讀吳梅邨艷體詩

織錦迴文絕世無容華爭欲比羅敷何堪風雨薜蘿綠泣向空
山憶故夫

讀錢蒙叟觀棋詩

祇宜局外寄閒身眼見長安局又新
莫切是誰差一着殘棋休
說六朝人

謝陳品端道人寄卓錫泉

春流小舫貯瓶罈傳到魚書一笑傾寄我雲泉知我意出山常
似在山清

詠古六首

建策任囂往傳書陸賈來江山消霸氣天地產清才百粵重離
照千年景運開誰談經濟畧我輩豈蒿萊

南征功第一慷慨馮文淵才大成偏晚窮當志益堅裴我見銅
柱跼跼想飛鷲試過分茅嶺高名漢代傳

刺史遷除日韓山俎豆時一生攻佛勇八代起文衰瘴海曾驅
鱷扶胥永勒碑趙區多造就儒雅總堪師

天以爲箕子要荒此意留山川多往蹟遷謫乃竒遊梅放松風
外瀾迴渤海頭曾經公到處儋耳與羅浮

余兩涉瓊海
三上羅浮

君看文丞相科名豈負人趙孤存一塊宋室有三仁柴市忠魂

盡崖山朔貌新風濤莽蕭颯憑弔幾酸辛

碧玉高樓在白雲堪與齊淵源分泗水風月接濂溪自有江河

沛方知管晏低鳶魚任飛躍挹取盡如携

白沙子詩一笑功名
解管晏六經仁義沛

河江

讀家蒼厓詠羅格鄉六境詩因懷孔二復之

與君同訪習家池又得清遊十日期花月亭臺供載酒江天雲
樹入題詩忽因輞水圖中景頓觸山陽笛裏思看竹懷人今昔

異龍雛欣已長高枝

謂門人孔生繼光以古學第
一受知學使者卽復之子也

曾賓谷方伯建虞仲翔祠於訶林舊址敬賦

陀城西北功曹宅舊植訶林有遺跡自從花木換禪房風烟又
閱年千百鐵塢塗殘南漢金菩提飛盡蕭梁碧遊人到此禮空
王久無尺土祠遷客南城會公今召伯百政具修興力役粵會

河渠濬廣深扶胥廟道築山石弔古花宮溯仲翔重營棟宇捐
金帛我衡割據思江東仲謀降魏非英雄子瑜公瑾窺大意其
餘器識多凡庸誰呵于禁芳被斥獨伸大節生英風夢吞三爻
善治易經義亦折少府融青蠅作弔終已矣海隅長此嗟道窮
天風忽見吹靈旗巍巍共快瞻新祠大厰華筵集賓客肅將祀
事陳牲犧羣材相與詠其事鴻文公自爲之碑豈徒盛舉慰淪
落振刷頽靡當在斯得一知己可不恨千載以下非公誰

壬申初春家蒼厓招遊珠江爲作珠江春泛卷子并賦
珠江春早花無數芳甸春人如織霧尋春最好及春遊一舸停
橈楊柳渡主人招邀錦帆開琉璃萬頃衝波來玉壺買醉盡羅
綺金谷植樹皆瓊瑰隔花看花花欲語不是花神定天女天女
散花紛亂墜湘水巫雲漫延佇春風盡日憶劉郎風流南漢空

蒼茫煙水消殘前度劫花田猶說舊堦香迴颿轉棹大通寺一
洗紅塵清淨地古井長留煙兩名虛亭兼得滄洲意玉簫金管
催客歸桃花燕子依檣飛春事興衰送今古青山萬疊生斜暉
同舟共是英妙選下筆擘天金翅展春人春事何處尋省識春
光開畫卷

木棉十首 錄四

陰陽爲炭鼓天風鑄向重離色最工粵國山川渾錦繡炎州草
木自英雄井陘赤幟誇韓信梓澤明珠笑石崇火德先從春令
布東皇濡染遍南中

踏春會上粵王臺道接呼鸞綺作堆黃屋已消偏霸氣朱花猶
爲老夫開興亡閱盡無烽火龍虎爭餘有劫灰嶺外奇觀推第
一天桃穠李總輿儻

南海神祠氣宇雄虬枝鐵幹護蛟宮百靈冠珮趨炎帝十隊旌
旗降祝融海日浴殘齊照水陣雲塵去欲燒空逢逢定有馮夷擊
銅鼓催開萬朶紅

舟行飽玩到金溪

端州地名

夾岸繁花踈地低春樹蒸霞鸚鵡啄碧

山如畫鷓鴣啼羣芳譜尚看寥落古錦囊應入品題一路飛紅
吹不斷東風回首板橋西

清湍脩竹軒告成誌喜

髻齡已發烟霞興邱壑探奇二十年此境經營真得地吾人出
處總關天晴空風雨鳴松竹白日雷霆走澗泉千載菊坡遺跡
在名山事業想前賢

地是崔菊坡讀書處